

تورکيا

بویوک ملت مجلسی

ضبط چریده سی

یوز او تیحی اجتماع

۲۸ ایول ۱۳۳۸ پنجشنبه

ضمرجات

— ضبط سابق خلاصه سی

— اوراق وارده

— ممالک مستخلصه به کوندزبله جک استقلال محکمه لری قانونک مذا کره سی

برنجی جلسه

برأ مذاکرات

دقیقه ساعت

۱ ۰

[رئیس — ایکنجی رئیس و کیلی موسی کاظم افندی حضرتلری]

کاتبیلر : حق بک (وان) ، ططف بک (قیصری)

بخارا حکومتک ظفر تبریکنامه سی حقدنه خارجه وکالتی تذکره سی واردر . او قونه جق :

تورکيا بویوک ملت مجلسی ریاست جلیله سنه موسقو واده کی بخارا سفارتک حکومت متبوعه سندن آهرق سفارت مزه تودیع ایتمدیکی و اصلی قوریه ایله دزدست ارسال اولدینی بیلدیریلن تبریکنامه نك خلاصه سی موسقو و سفارتندن اشعار قیلنمقله صورتی لفاً تقدیم قیلنمشدر افندم .

خارجیه وکالتی وکیلی

دوقتور رضانور

صورت

موسقو و : ۸-۹-۳۸

تورکيا حکومتک و خلقنک استقلال ملی اوغرنده کی مبارزه سی بخارا اها لسی کال اعتنا ایله تعقیب و غاصب امپریالیستلره قارشى غالبیتی تمنی ایتمکده و تورکيا حکومتک مند کور غاصبلره قارشى تعقیب ایتمدیکی سیاسی ، کندی

ضبط سابق خلاصه سی :

رئیس — افندم ! مجلسی کشاد ایدیوروم . ضبط سابق خلاصه سی او قونه جق . (ضبط سابق خلاصه سی او قوندى .)

علی سروری افندی (قره حصار شرقی) — منحل اعضا قلمر ؛ مأمورین محاکمات انجمنده دکل ؛ مأمورین محاکمات هیئتده در . بو صورتله تصحیح ایدلسون . . .
رئیس — ضبط سابق خلاصه سی تصحیحاً قبول ایدنلر لطفاً الدینی قالدیرسونلر ! ضبط سابق خلاصه سی تصحیحاً قبول اولندی .

اوراق وارده :

رئیس — خارجدن جلب اولنه جق زراعی ، صناعی آلات و ادوات ایله و سائط ثقلیه نك کمرك رسمندن عقوی حقدنه غازی عینتاب مبعوثی یاسین بکله رفقا سنک تکلیف قانونیسی وار . لایحه انجمنه حواله ایدیوروز .

سياست عموميہ سی کبی تلقی ایلکده در. تورکیانک یونانیلره ورهبرلرینه قارشی قازاندینی بویوک مظفریتدن دولایی بخارا، تورکیا بویوک ملت مجلسی حکومتی ایله یوتون تورک قرداشلرینی تبریک ایدر .

حسین عونئی بک (اضروم) — انورپاشادئمیی بو؟ (امضا کیمک در صدالری) .

رئیس — لوزان تورک قونفره سنک ظفر تبریکنامه سی حقنده خارجه وکالتی تذکره سی وار. اوده او قونوجق .

بویوک ملت مجلسی ریاست جلیله سنه قهرمان اردومزک احراز ایلدیکی مظفریات مناسبتیله لوزان تورک قونفره سی طرفندن مجلس عالی یه خطاباً کشیده اولنان تلغرافنامه صورتی لفاعرض و تقدیم قیلنمشدر اقدم .

خارجیه وکالتی وکیلی

دوقنوررضانور

تورکک وارلغنه قصد ایدن و مقدس طویرا قلمزی کیرلتن دکر سز و آچاق دشمنه تاریخک شمدی یه قدر ، قید ایدمه دیکی امثال سز بر غیرت و فداکارلقه لایق اولدینی جزایی و یرن قهرمان اردویه و اولو مجلسه اک صمیمی تشکرات و تبریکاتمزی تقدیم ایلرز .

لوزان تورک قونفره سی رئیسی

...

رئیس — طونه لی حلمی بکک بایبورد اهل یسنک تبریک تلغرافنه دائر بر تقریری وار :

بویوک ملت مجلسی ریاسته

آشاعیده اوچ تلغراف صورتی تقدیم ایدرکن، بایبورد خلقنک بویوک ملت مجلسنه قارشی بیانی ایتمک ایستدیکی تشکرانه ریاست مقامنک وساطتده بولمسنی تکلیف ایدرم .

بولی مبعوثی

طونه لی حلمی

صورتلر :

۱ — غرب جهه سی قوماندانلغنه : آل ظفرک بیله افتقار ایدمه جکی درجه ده یوجه لیکرله بزلی عصمتک تمثالی قوماندانم ! آشاعیده ایکی تلغراف صورتی واردر . ایکنجی ، تا شرقده کونش قیلا بداندلر یله ایتمنمشدر . اذن و یرده ، شهید ، دیری اولو محمد جک

حمایی اولسون .

طونه لی

(بونک او قونمسنه حاجت یوقدر جواب ویرلسون صدالری)

صلاح الدین بک (مرسین) — بوراسی محفل ادبی دکل ؛ مجلس واسطه مخبرده دکل . . . بونه در ؟ بز وظیفه مزه باقالی بز .

رئیس — اقدم ! تنسیب ایدر سه کیز، دیوان ریاست جوانی ویرسون .

طونه لی حلمی بک (بولی) — بایبورد خلقی مظفر اردومزه تشکر ایدیور . بویکی خصوصانده بر طاقم آرقداشلر وساطتده بولنهرق، مقام ریاستک توسطنی رجا ایتدکری و رجاری قبول اولدینی حالده طونه لینک رجاسی نه دن قبول اولنمهیور ؟ بوراسی محفل حماسه در ؟ بوراده . . .

صلاح الدین بک (مرسین) — بوراسی سیاسی بر محفلدر .

طونه لی حلمی بک (بولی) — بو، بر خلقه قارشی حرمتمسز ککدر .

رئیس — اقدم ! معارف انجمنه اعضا انتخابنه دائر بر تذکره وار . او قونوجق :

ریاست جلیله یه

انجمنمزی تشکیل ایدن رفقای محترمه دن طقوز ذاتک دائره انتخابیه لرینه همزیمی اوزرینه تأمین اکثریت کسب صعوبت ایتمش اولدیفندن ایکنجی شعبه دن بر و اوچنچی ، بشنچی ، برنجی ، دردنجی شعبه لر دن ایکیشر ذاتک انتخابی ایچون کیفیتک شعبات مذکوریه حواله سنی تکلیف ایلرم .

معارف انجمنی رئیسی

بوردور

حاکف

رئیس — رجا ایدرم، عاقد اولدینی شعبه لر ؛ انتخابی اجرا ایتمونلر !

سفر بک ضمی حقنده کی قانونک تفسیرینه دائر قوانین مالیه انجمنی مضبوطه سی وار :

اکثریت آرا حاصل اوله مامشدی . مذکور مضبوطی
بو کون ایکنجی دفعه رأیه وضع ایدیورم : انجمنک
تکلیفی قبول ایدنلر بیاض ، ایتینلر قیرمزی رأی
ویره جکدر .

[آرا استحصال ایلدی]

رئیس — افندم ! رأیه اشتراك ایدن ۱۶۳، ۸۲ قبول،
۷۰ دد ۱۱ء مستکف وار .

صلاح الدین بك (مرسین) — اکثریت مطلقه
یوقدر .

رئیس — افندم ! نصاب مذاکره وارددر . رأیه اشتراك

ایدن ذواتك عددی ۱۶۳ در . ۱۱ء مستکف ؛ ۷۰
رده قارشی ۸۲ رأی ایله ماده لره کچلمسی قبول ایلمشدر .
بنشاء علیه ماده لره کچپورز افندم . برنجی ماده حقتده
سوز ایستین وارمی ؟

محمد شکری بك (قره حصار صاحب) — افندم !
بنده کز سوز ایسترم .

حافظ محمد بك (طرزون) — شمعی ماده لرینه

کچلمسی قبول ایدیلمن تکلیف ؛ انجمنک تکلیفی یوقسه
حکومتک تکلیفیمیدر ؟ چونکه موضوع مذاکره هر
ایکیسیدر . (خایر سسلری) بناء علیه شمعی هانکیسی
مذاکره ایدیله جک ایسه ، او موضوع بحث ایدیله لیدر .
(کورولتیلر)

رئیس — افندم ! مسئله یی ریه قویارکن ؛ عدلیه
انجمنک مضبوطسی رأیه قوندیغنی بنده کز تلفظ ایتم .
مسئله یی بوشکلده رأیه وضع ایتمکمی ویلدم . عدلیه
انجمنک مضبوطه سنده کی ماده لره کچلمسی قبول ایدنلر بیاض
ایتمینلر قیرمزی رأی ویره جکدر دیدم ...

یوسف ضیابك (مرسین) — خایر ، خایر ... (ضبطده
وارد رسسلری)

رئیس — اساساً مذاکره ؛ انجمن مضبوطسی اوزرینه
جریان ایتمشدر . بناء علیه ؛ ماده لره کچپورز .

محمد شکری بك (قره حصار صاحب) — دونده
عرض ایتمیکم کچی ؛ ممالک مستخلصیه کوندریله جک
استقلال محکمه لری ایچون احکام استثنائییه وضعنه لزوم

بو تفسیرک مستعجلاً و مواد سائریه تقدیماً مذاکره
ایدلمسنه دائر ، ارکان حربیه عمومیه رئیس فوزی پاشا
حضرتلرینک ده برتلغر افقری واردی . فقط بومضبطه او
زمان ؛ هنوز انجمندن گلدیگی ایچون ؛ مستعجلیت ، رأیه
وضع اولنمامشدی .

حسین عونى بك (ارضروم) — بومسئله نك ، یعنی
تفسیرک مستعجلاً مذاکره سنه قرار اعطاسنی بنده کزده
رجا ایدیورم . (آکلاشیلما یور سسلری)

رئیس — افندم ! سفير بك ضمی حقتده کی قانونک
تفسیرینه دائر قوانین مالیه انجمنندن بر مضبوطه گلشدر .

بو تفسیرک مستعجلاً مذاکره سنه دائر ده بر قاچ کون اول
ارکان حربیه عمومیه رئیس پاشا حضرتلرینک تکلیف لری
واردی . او زمان تفسیر انجمنده اولدیغندن مستعجلیت ، رأیه
وضع اولنه مامشدی . بو کون ایسه تفسیر مضبوطه سی گلشدر .

بو تفسیرک جمعه ایرتنی روز نامه سنه ادخالنی و مذاکره سی
قبول ایدنلر لطفاً اللرنی قاندرستونلر ! قبول ایلمشدر
افندم .

یوسف ضیابك (مرسین) — افندم ! سیار اردوییه
منسوب بعض قطعات و مؤسسات ضابطانك ده سفير بك
ضمندن استفاده ایروب ایتمه جک لرینه دائر برقریر واردی .
بومسئله یی دون مدافعه ملیه انجمنی انتاج ایتمشدر . اوده
برابر مذاکره اولسون .

نجیب بك (ماردين) — او هنوز قوانین مالیه
انجمنده در .

رئیس — البته بدلی قانونک تفسیری حقتده قوانین
مالیه انجمنی مضبوطسی وار ؛ حیوانات فریسیه و بقریه
حقتده و اموال متروکه قانوننه دائر قوانین مالیه
انجمنی مضبوط لری وار ؛ بونلری ده علی الاصول روز نامه یه
آیوروز .

ممالک مستخلصیه کوندریله جک استقلال محکمه لری
قانونک مذاکره سی :

افندم ! ممالک مستخلصیه کوندریله جک استقلال
محکمه لری حقتده کی عدلیه انجمنی مضبوطسی تعیین اسامی
ایله دون رأیه وضع اولمش و فقط نصاب مذاکره اولمادیغندن

یوقدر . حال حاضرده موجود استقلال محاکمی قانونی
 - بنم قناعت منجه - مقصد و مصلحتی تأمین ایده جک شرائطی
 حاضر در . شمیدی برنجی ماده ایله بز ، مدعی عمومیلرک
 اعتراضی تحدید و تقصیر ای دیورز ؛ بو ، دوغرو دکدر .
 ممالک مستخلصه یه کیده جک اولاز . بر استقلال محکمه سی
 هیئتک ایچنده بولنان مدعی عمومی ، خلاف قانون بر حاله
 واقف اولور و یا خود بر مسئله حقننده موجود دلائلی ؛
 حکمه غیر کافی کوره رک اعتراض ایدرسه ؛ و حتی بو هیئتک
 ایچندن بر اعضاده ، مدعی عمومینک قناعتنده اولورده حکم
 اکثریتله چیقارسه ؛ بو حکم قطعی اولسون و مجلسه عرضه
 لزوم کورله دن تطبیق ای داسون ، دیمک دوغری اوله ماز .
 استقلال محاکمی قانونی مذا کره ایدر کن بک اعلا بیلور سکرز ؛ که
 مدعی عمومیلری قبول ایتمکدن مقصد ؛ مجلس عالی نامه
 بر مراقب قانونی اولملری ایدی . یعنی مدعی عمومیلر ،
 استقلال محاکمی معاملاتک قانون دائره سنده حسن جریاتی
 مراقبه ایده جکلر در . استقلال محاکمته ؛ قانون دائره سنده
 اجرای احکام ای دوب ایتمه دیکنی مجلس عالی نامه مراقبه
 ایده جک اولان ذوات ؛ مدعی عمومیلر در . بو حق مراقبه
 بویه تحدید و تقصیر ای دیلیرسه ، عدالتن ده اودرجه تباعد
 و انحراف ای دلش اولنور . بو اعتبارله برنجی ماده یه قطعیا
 لزوم یوقدر . استقلال محاکمی قانوننده موجود بوبایدی کی
 احکامک یته کافی السابق تطبیق دوغرو در ؛ ماده لزوم سزدر .
 طینی تکلیف ایدرم .

یاسین بک (غازی . عینتاب) - - افندم ! برنجی ماده
 لازمدر . شکری بک برادر مزک بویورد قلری کبی
 بوماده ایله مدعی عمومیلرک صلاحیتی تحدید ای دلش
 دکل . بالعکس دها زیاده توسع ایتمشدر . شو حالده مطالعه لری
 وارد خاطر اوله ماز . انجمن بوماده یی وضع ایتمکله چوق
 اصابت ایتمشدر . اساساً مدعی عمومیلرک ، یاسیلن
 تحقیقاتک هر هانکی بر نقطه سنده اعتراض حقلری اولقله
 برابر ؛ هر هانکی بر صورتله ایشلرک تکمل ایده جکی بر صرده
 مدعی عمومیلرک لاعلی تعیین بر نقطه تحقیقات اوزرنده
 اعتراضده بولنه رق ایشی تعویق ایتمه لرینی منع نقطه نظرندن
 بوماده چوق مصیبر ، بو صورتله مدعی عمومیلرک

اعتراضلری ، یالکز وظیفه نقطه سنه انحصار ای تدریش
 اولور و اعدام حکملرنده - که حقیقه مهمدر - یته حق
 اعتراضلری قبول ای دیور . استقلال محاکمته کی مدعی
 عمومیلرک وظائفی ؛ قانونک حسن جریاتی تأمین ای تدر -
 مکدن عبارتدر . شو حالده مدعی عمومیلر ، غیر قانونی
 احواله قارشی دائماً اعتراض ایده بیلر لر . بونلرک تحدید
 ای دلش بر صلاحیتلری یوقدر . بناء علیه ، بنده کزده برنجی
 ماده نک عیناً قبولی تکلیف ایدرم .

رئیس - - برنجی ماده حقننده باشقه سوز آلان یوقدر .
 حسین عون ی بک (ارضروم) - - وار ، وار ..
 رئیس - - بویورک !

حسین عون ی بک (ارضروم) - - افندم ! شکل
 مسئله یته تبیل ای تدی : بزم بوراده کی اشتغال نامز ؛ استقلال
 محکمه لری قانونک تعدیلی ماهیتنده در ؛ یعنی تعقیب اولنان
 غایه ایله ؛ شو قانونک معناسی بوله مادم . بو محکمه لره آرتق
 استقلال محکمه لری دیه ییک . استقلال محکمه لری بر مقصد
 مخصوص اوزرینه یالتمشدی . بو صوک شکلده کی محکمه لره
 ایسه ؛ نه دیه ییم . بیلمه یورم . آرتق فوق الماده تشکیل ایتمش
 بر محکمه اسمی ویرملی بز . استقلال محاکمته وظائفی
 قانوناً معیندر و بوظائف ، مجلس عالیده درت بش کون
 جریان ای دن بر مذا کره نتیجه سنده تحلیلاً تنظیم اولنمشدر .
 بو کون ایسه اواسکی قانونی تعدیل ماهیتنده باشقه
 بر شکل تکلیف اولنور . ممالک مستخلصه یه محاکم لازمش ..
 بونلرک وظائفی ده مدعی عمومیلرک قیدندن بر آز آزاده
 اوله جقمش .

افندیلر ! مدعی عمومیلرک قیودندن آزاده بر محکمه یه
 عفو کزه مغروراً ؛ بر محکمه دیه ییم . مدنی بر ملتک
 محکمه لری ؛ دائماً مدعی عمومیلرک مراقبه و قونظرول
 حقلری محافظه ایدر . یوقسه باشقه درلو محکمه اولماز .
 صلاح الدین بک (مرسین) - - بونلر ؛ تعصیق
 محکمه لری ! ..

یاسین بک (غازی عینتاب) - - خایر ؛ عدالت
 محکمه لری .. .

علی سروری افندی (قره حصار شرقی) - - تعصیق
 یوق .. .

حسین عونی بك (دوامه) -- افندیلر ! بن
 و آرقداشلرم ده ظن ایدرم بوفکرده در - مدعی عمومیلرک
 قیدندن آزاده قاهره حکم ویره جک حاکم تصور ایدم .
 هانگی حکمدر ، که : حق اعتراضن معصون فالسون و اعتراضن
 کندیسنی قاچیرسون . بویله حاکم اولورمی افندیلر ؟ .
 واورتهده برسببده یوقدر : اسکی موجود قانونی بویله
 مهم برآنده و مهم برکسوه ایله تبدیل و تغییر ایتمک ایچون
 انجمن صلاحیتی زردن آلمش ؟ . . .
 و بونی تکلیف ایدرکن هانگی سبب تختنده یابدقارینی
 بوراده عنماً ایضاح ایسون و بزیده بو خصوصده
 اقناع ایسون . یوقسه بو کجی شیلری بورادن سینه ما کجی
 کچیروب ، یازینکی ندامته قارشی نه یابه جقلردر ؟ کلسون
 بوراده علماً اثبات ایسونلر ؛ صکره مناقشه ایدم . او انجمن
 اعضاسی کیمسه چیقسونده بوراده بونی اثبات ایسون !
 علم مسئله سیدر بو ، حسیات ایله یاپیلماز بویله شیلر !
 رئیس -- انجمن نامنه مصطفی کمال بك جواب
 ویریور .

مصطفی کمال (ارطغرل) -- افندم ! اولاً حسین
 عونی بکه جواب ویره جکم :

(استقلال محکمه لرینک اعدامدن غیری حکملری
 قطعی اولوب افاضینه بالعموم قوای مسلحه و غیر مسلحه
 دولت مأموردر . اعدام حکملری بویوک ملت مجلسنجه
 بالعموم مسائله ترجیحاً تدقیق و تصدیق اولندقدن صکره
 اجرا و انفاذ اولنور . شو قدر ، که : مستعجل و مستتنا حال
 زماننده اعدام حکملرینک دخی مجلسجه تصدیق ایدلمکمزین
 انفاذینه مجلس قرار یله مأذونیت ویر یله بیلیر .) انجمن شو
 ماده قانونیه نك کو سترمش اولدینی صراحته بناء فوق العاده
 و مستتنا برحاک و قوعنده ، شو مسئلهده اعدام قرارینک
 مدعی عمومی اعتراض ایتمکجه اجرا اولنه جفتی عرض ایتمک
 ایستیور . قبول ایدرسه اوراده کی استقلال محکمه سی ،
 مدعی عمومینک اعتراضنه محل اولیمان مسائله ، اعدام
 قرارینی تطبیق و تصدیق ایده جکدر . اگر ایتمزسه
 کافی السابق اعدام قرارینی کندیلکندن انفاذ ایده جکدر .
 یعنی انجمن ، بشنچی ماده نك ویردیکی صلاحیته بناء

بویله فوق العاده بر زمان ایچون شو قراری آلمشه اوماده
 قانونیه استنادا کندینی مجبور کوریور .
 یوسف ضیابک (مرسین) -- فوق العاده زمان
 ندر ؟

مصطفی کمال بك -- فوق العاده زمان ، دشمن طرفندن
 اشغال ایدیلن مناطقه یونان افکارینه ، یونان آمالنه
 خدمت ایدن اوراده بر طاقم ادانی واردر ، اونلرک اوراده
 ایقاع ایشکلری مظالم

حسین عونی بك (ارضروم) -- او دکل افندم ،
 او دکل ، بو جمله اختلال ذهنیتیه قولش ، مملکتده
 اختلال یوقدر .

مصطفی کمال بك -- کوزومزک اوکنده کوریلن
 بر حقیقت واردر ، که : قارشوشومزده بولتان اسلام
 قرداشلرینی سونکوله یور ، قرداشلرینه قورشون آتیور ،
 و کککک اولار کجی اولدیریور . الیوم بونلر موجوددر .
 یعنی مستعجل مسائل دیدیکی بونلردر . نهایت غضب
 و غارت واردر ، هر درلو جرائم واردر . بو کیلرک
 جزاسنه خلق انتظار ایدیور . حکومتک تکلیفندهده
 شو قید واردر که اورایه تمیین اولنه جق حاکم تکمیل
 قوانین ملکیه و عسکریه بی قطعی صورتده تطبیق ایده جکلردر .
 بونی عدلیه و کیلی بیلیر .

صلاح الدین بك (مرسین) -- محاکم تشکیلی ایتمشیدر ؟
 (ایتمشدر صدارتی) دکل ایسه تأمین عدالت مسئله سی
 یعنی دولتک اصل محکمه لرینی تأسیس ایتمسی لازم دکلیدر ؟
 نهن بو محاکمک تأسیسی جهتنه کیدله یورده هیچ بر نوع
 مسؤلیتی حائز اولیمان مجلس عالی ؛ اعضاسنی بویله مدعی عمومی
 میلکاره طاعتیور ؟ سؤال صوریورم . یعنی مجلس عالی
 اعضاسی مدعی عمومیلک یا بق ، یا خود رئیسک یا بق
 و بناء علیه مملکت ایچروسنده حقوق شخصییه دعوالرینی
 رؤیت ایتمک اوزره عدم مسؤلیت ایله مملکتده داغیلسون
 بود و ضرر میدر ، صوریورم ؟

مصطفی کمال بك -- آنجق بنده کنز شونی عرض
 ایدم معلوم عالی کزدر ، که : محاکم در جاته و طبقاته منقسمدر .
 بدایت محکمه سنجه ویریلن حکملر عندالوجه اعتراضاً

استینافا، تمیز آرؤیت ایدیلور. گذران ایدن بومدت نظر فنده
حقرق عباد اوزون زمان سورونجه مده قاله جقدر .

صلاح الدین بك -- بوسؤالمه جواب اولمادی . حكومت
كندی كوندردیكى محاكمده حقوق شخصیه وسائر حقتنه
حكملر اعطا ایتده ریلور . بواصل موجود ایكن و دولتك
وظیفه سنی مسئول مأمورینه كوردیرمك امكانی وار ایكن ؛
بویله غیر مسئول آدملره ناصل وظائف تودیع ایدیورسكنز ؛
جواب ویریکز ، اصلدن قاچور و غیر رسمی ایش
یاییورسكنز !

مصطفی كمال بك (ارطغرل) -- افندم ، فوق العاده
بر حاده و قوعنده استقلال محكمه سی تشکیلی حقتنه بر
قانون موجوددر . بوكا بناء ؛ هیئت و کیله ، فوق العاده
بر محكمه نك تشکیله طرفدار اولمش . فقط ، انجمن ؛
حكومتك تكلیف ایتدیكى شكلی موافق بولمایه رق استقلال
محكمه سی اعزامنه قرار ویرمشدر .

صلاح الدین بك (مرسین) -- رئیس بك ، بر
سؤالمدها وار . استخلاص اولنان ممالكه ، مسئولیتی غیر
حائز برطاقم قطعی محاكم اعزامك خارجده یاپه جنی
تأثیرات دوشونلدیمی ، بو تأثیرات نهدر و خارجیه وکیلندن
بونی صوردیكزمی ؟

مصطفی كمال بك (دوامله) -- ذاتاً مجلس عالیك
قبول ایتدیگی بر استقلال محكمه سی قانونی واردر . بوقانون
وجود اولدقجه ، محاكمك اعزامی مجلس عالی یه طأنددر .

وهبی افندی (قونیه) -- افندم ! دوندنبری بعض
رقفا مضبطه محرری بك طرفندن احوال فوق العاده
اولادینی سویله نیور . بنجه افندیلر ، احوال فوق العاده
یوقدر . مجلسك بوكون یاپه جنی بر ماده قانونیه مده -- بن
كندی فكرمی سویله یورم ، یعنی تعرضه معروض قالمیهیم --
حكومت ...

نصرت افندی (ارضروم) -- هیئت و کیله یوقدر !
یونس نادى بك (ازمیر) -- ظن ایدرم برنجی

مادینی مذاكره ایدیورز !
وهبی افندی (دوامله) -- بنده برنجی ماده حقتنه
سویله یه حكیم . حكومت تأسس و محكمه لرینی تشکیل ایدوب

بو كجی مسائلی تحقیق و تدقیق ایدنجه یه قدر یونان طرفدارانی
ایله كیمسه اتهام اولنجه جقدر ، دیملدر . مجلس عالی
بویله بر ماده قانونیه چیقاردینی تقدیرده اهالیك راحتنی
تأمین ایتمش دیملدر . بویله زید ، عمر و بکر .. (كورولتیلر)
افندم ، رجا ایدرم ، بن سویله یورم بونی .. سویله مكده
حقمدر .

نبیل افندی (قره حصار صاحب) -- بن مملکتی
كوردم ، رجا ایدرم .

وهبی افندی (دوامله) -- بنده كوردم . ایچی
كیمسه ایچون بوتون مملکتی آلت اوست ایتمكده
معنا یوقدر .

نبیل افندی (قره حصار صاحب) -- رجا ایدرم ،
اویله دكلدر . بر كره كورسه كز ایشك بویله اولمادیغنی
آكلارسكنز !

وهبی افندی (دوامله) -- كوردك ! بو قانونده
محكمه تشکیلی ومدعی عمومی اتخابی وار . فقط ،
مدعی عمومیك مداخله یه صلاحیتی یوق ! بونه دیمك ؟
آكلایه مدم . مدعی عمومی تعیین اولنیور . فقط بر
بر ماده دن باشقه ، محكمه نك ویرمش اولدینی قراره مداخله یه
صلاحیتی یوقدر . یالکز بر ماده مده حق واردر . شو حالده
مدعی عمومی یوق دیملدر . بوماده نك روحی مدعی عمومی یی
اورته دن قالدیرمقدر . یامدعی عمومی وار ، یاخودده یوقدر .
وار ایسه هر شیئه مداخله ایده بیلیر ، وظیفه سیدر . مدعی
عمومیدر ، آدی . مدعی عمومی لفظیله ، مدعی عمومیك
وظیفه سنی تحدید ایتك دوغری دكلدر . یا ماده یی
قالدیرك و یاخودده مدعی عمومیك ده صلاحیت تامه سنی
ابقا ایدك !

حقی حامی بك (سینوب) -- افندم ! بنده كزدونده
هیئت جلیله كزه عرض ایتشدم . اكر مقصدمز ؛ ممالك
مستخلصه یه سرعته محاكم اعزام ایتك وجداً اوچ سنه
دن بری دشمن اشغالی تحت تأثیرنده یاییلمش اولان بعض
فناقلرك بران اول ازاله سی اسبابنه توسل ایتك ایسه
ینه عرض ایدیورم ، كه : بوماده کافی دكلدر ، بوقانون
مقصدی تأمین ایدمز . چونكه : برنجی ماده استقلال
محكمه لرینی قانوننك مدعی عمومی به عائد اولان فقره سنك

بر قسمتك تعديلنه متداو در . استقلال محكمه لری قانونی
 تعديل ايتك . فقط هيئت جليله كزه شونی ده عرض
 ايديم كه : آما سيه بر استقلال محكمه سی كوند رلمسنه مجلس
 عاليكز بوندن بر آي اول قرار ويرديكي حالده حالا كينمدي .
 عجا ، بز بقانونی قبول اينجه ۶-۵ استقلال محكمه سی
 كوند ره بيله جگمی ز ؟ مقصد ؛ سریمآ بر محكمه اعزام
 ايتك ايسه ، بونك تأمين امكاتی بنده كز كوره ميورم .
 اكر شو قانونی قبول ايتكله مقصد حاصل اوليورسه ،
 بنده كز بوتون وار لغمله طرفدار لغمی اعلان ايد جكم .
 نييل افندی (قره حصار صاحب) -- هيئت عموميه -
 سنك مذاكره سی كچدی .

حقی حامی بك (دوامله) -- بنده كز برنجی ماده
 حقدنه سويليورم . بو اعتبارله برنجی ماده نك قابلیت
 تطبيقيه سی بو قدر . صكره انجمن نامنه سوز سويلين
 مصطفی كمال بك افندی بوماده كی تعديلانك لزوم اجراء
 سنی اینك شیده كوستردیلر . بری او منقطه ده فوق العاده لك
 بولنسی . ايكنجیسی ده هب و غارت ، اخذ و غصبك فضله جه
 بولنسی . بو ايكي سبب دولايسيله انجمن موافق كوردی ، بو بو -
 ردیلر . افندیلر ! اورالده فوق العاده زمان اولمشدر .
 فقط او احوال فوق العاده دشمن اشغالی زماننده ایدی .
 او زمان كچمشدر . فوق العاده زمانك آناری واردر ،
 بو قابل انكار دكلدر . فقط ؛ بو آثار ایچون بر استقلال
 محكمه سی كوند ريمك لازمیدر ؟ افندیلر ! بر استقلال
 محكمه سی كوند ريمك لزوم واردر ، ديمك ایچون : فوق العاده
 آنارك فوق العاده حادثاته سببیت ویرمی شرتدر .
 فوق العاده آنارك فوق العاده حادثاته سببیت ویره جگنه دائر
 اورته ده برشی اولماد قجه ، فوق العاده لك واردر ، دینيله مز -
 فوق العاده زمان كچمشدر . (كورولتیلر) مساعده بو یوروك ،
 استقلال محكمه لری كوند ريمكله برابر استقلال محكمی قانوننك
 بعض موادنده تعديلات اجراسنی شوكا بناء موافق كوردك .
 چونكه ؛ كیده جك محكمه حكم قطعی ویردجك ، هب
 و غارت ، اخذ و غصبه مداخله ايد جك دييور . اوتكی
 قانون موجبنجه ده هب و غارت ، اخذ و غصبه مداخله
 ايد مز . آنجق تعقیبات یاپار دینيور ایدی . بناء علیه ؛ بو
 قانونی قبول ایدرسك یوقا ریده كوستردیكمز اسباب موجب

دخی قبول ایدلمش اوله جقدر . بنده كزده بو اسباب
 موجب اوزرینه بوماده نك دوغری اولمدیغی سويليورم .
 مصطفی بك (قوزان) -- یاكلش اولان جهتی لطفآ
 سوبله ییكنز !

حقی حامی بك (دوامله) -- ذات عالیكز ، او طور -
 دیغكز یرده مداخله دن باشقه بر شی یاپما یورسكز .
 مصطفی بك (قوزان) -- ماده یه دائر سوبله یكنز !
 حقی حامی بك (دوامله) -- بك اعلا ؛ ایشته
 بنده كز دييورم ، كه : حقوق شخصیه وسأره نی احتوا ایدن
 قانونلر صراحة مذ كوردر .

یحیی غالب بك (قیرشهر) -- انجمنه دعوت ایدرز ،
 گلزسكز ! صكره بوراده ده اعتراض ایدرسكز .
 حقی حامی بك (دوامله) -- رجا ایدرم ، بك
 افندی ! شخصمه تعرض ایتیميك . عدلیه انجمنتمده كی
 ایكي سنه لك مساعیم دفترده موجوددر . عین زمانده
 وظیفه می ده مدركم . سزك دعوتكز دكل ، وظیفه می
 اوایشی كوردیرمكه اجبار ایدر . بولمديغ بر انجمنك ،
 بالطبع نه زمان طویلانه جغندن ده معلوم اتدار اوله مازدم .
 كرك ذات عالیكزك مساعیمكز ، كركسه بنده كزك مساعیم
 انجمن دفترلرنده مقیددر . شبه ایدیورسه كز ، مقایسه
 ایديكز .

رئیس -- محاوره اولماسون ، رجا ایدرم .
 حقی حامی بك (دوامله) -- بوماده ؛ استقلال
 محكمه سی قانوننك بر ماده سنی تعديلاً وضع ایدلمش ، سببی ،
 فوق العاده زمان ، هب و غارت ، اخذ و غصبدر افندیلر .
 هیچ بر زمان حقوق شخصیه ایچون حكم قطعی ویرمك
 دوغری دكلدر . معلوم عالیلری مسائل جزاییه ده
 حكام ؛ حادثاتی ، وقعه نك زمان وقوعی و برچوق
 خصوصاتی نظراعتبار آلهرق ضعیف بعض دلائلی
 قناعت وجدانیسی اوزرینه اعطای حكمه مدار
 اتخاذ ایدر لر ، كه : بونده قناعت وجدانیه دكل ، مطلقاً اسباب
 ثبوتیه شرتدر . اسباب ثبوتیه قانونیه اولمدیغی حالده قناعت
 وجدانیهم ۶۰-۷۰ بیك لیرانك بر آدم طرفندن اتلاف
 ایدلديكي مركززنده در . بناء علیه ؛ تحصیلی تحت قراره
 آلمشدر دینه نصل اولورده ، بر حكم اعطاسنه بر محكمه یی

برایانین اولور. فقط ؛ تامایله ایضاح ایدیلن برشی یوقدر. بنده کز یوقانونی یایان انجمنک نه یایمق ایستدیکنی مع الاسف آکلایه مدم . یعنی نه یایمق ایستیور ؟ استقلال محکمه سیمی کوندرمک ایستیور ، یوقسه باشقه بر محکمه می ؛ انجمن ایسه نه حکومتنک تکلیفنه قناعت ایتشدر ؛ نه ده استقلال محکمه لرینه قناعت ایتشدر . شمدی خصوصی بر محکمه ایچون مذاکره ایدیوروز . چونکه بر استقلال محکمه سی یایمق ایستیور سه ق ، بونک بر قانونی وار . بونده ده حکومت لزوم کوردیکی برله استقلال محکمه سی کوندرمک تکلیف ایدر . مجلس اونی تصویب و قبول ایدر .

اسماعیل صبحی بك (بوردور) — مجلس بونی
رأساً یاپامازی ؟

خلیل ابراهیم بك (دوامله) — بو خصوصه قانون وار . اوقانونک تعدیلی تکلیف ایدیلر . مجلس رأساً یاپه ماز دکل ، حکومت استقلال محکمه سه نه لزوم کوستره جک ، مجلس نظر دفته آیرسه کوندره جک... حالبوکه حکومت ، بورالره استقلال محکمه سی کیتسون دیه بیلیردی . بونی ده یایمامش ، آریجه بر قانون ایله بر محکمه تشکیلی ایستیور . حالبوکه انجمن بونک وجودینه نصل قائل بولنیور ؟ و بویکی تکلیفی نه صورتله مجلسه سوق ایدیوروز ؟ برفعه تکلیفاتی قانونک خلافته در . انجمن بورالره استقلال محکمه لرینه ده کوندرمیور . یایدینی قانونله بو محکمه نك اسمنی استقلال محکمه سی اوله رق قبول ایدیور . فقط ؛ بو آری بر محکمه در . صکره تنظیم ابتدیکی ماده ده دییور ، که : تمالک مستخلصه یه کوندریله جک استقلال محکمه لر می مدعی عمومیسنک هر شیئه حقی اعتراضی یوقدر . یعنی برشیلر یاییور و اورایه کیده جک استقلال محکمه لرینه باشقه بر شکل مخصوص ویریور . اوتیکی قانونده مدعی عمومیلرک آز چوق برشیئ واریکن بونی ده قالدیریور . دهایلری کیده جکم . بونکه دوغریدن دوغری یه مجلس استقلال محکمه سی یاییور . مجلس حاکم یاییور . دییور ، که : بوایشی دیگرلری یاپه میور . سز کیدک ، یایک ، اعدام ایدک ! یعنی دییور که : سز کیدیکنز . اونلری مواجهه ایتمیور ، دیکله میوب آصیک... رجایدرم ، اقدیلر ! صویصالی اسماعیل صبحی بك (بوردور) — حق قضا زده در .

صلاحیتدار ایدیوروز ؟ صکره مدعی عمومیلرک حقی اعتراضی یالکنز ایکی مسئله ده جائز دکلدر دییور . شو حالده مدعی عمومیلرک اعزازی لزومی یوقدر . استقلال محاکمک ویره جکی قرارلر — که مدعی عمومینک حق اعتراضی داخلنده اولانلر — دوغریدن دوغری یه مجلسه کلسون ، دینیر و خزینه ده استفاده ایش اولور . بواعتبارله بوده دوغری دکلدر . مادام که محکمه ده مدعی عمومی بولنه جقدر ، هر شیئه مداخله ایدر . بنده کز دونی قناعتده یه اصرار ایدیورم . بوماده قانونیه زاندر . ردینی تکلیف ایدرم .

خلیل ابراهیم بك (آنطالیه) — اقدم ! مادام که هیئت عمومی سی اکثریته اقران ایتشدر . طبیعیدر که بوکادائر اوزون اوزادی یه برشی سویله میه جکم ، یالکنز ماده حقنده معروضاتده بولنه جقم . شمدی اقدم ، شو ماده ایله حکومتک ماده سنی نظر اعتباره آله جق و حکومتک تکلیفی ایله انجمنک تکلیفی مقایسه ایده جک اولور سه ق کور پرزکه حکومتک تکلیفی ایله ، انجمنک تکلیفی آره سنده یعنی حکومتله ، انجمنک تعقیب ابتدیکی فکر آره سنده برفرق واردر . حکومت اشغال ایدیلن محللرده اشغال تاریخندن استخلاص تاریخنه قدر علی الاطلاق جراثمک رؤیتی ایچون بر محکمه تشکیل ایدیور . و بونلرک دها سریم بر صورتده رؤیتی ایچون سیار محکمه لر تشکیل ایتک ایستیور . ناصل که بزم بدایت محکمه سی ، صلح محکمه سی ، استیناف محکمه سی اولدینی کبی بونی ده سیار محکمه لر حالنده یعنی محاکم عدلیه تلقی ایدرک اوراده مطلقا تدهیش پولتیقه سندن زیاده هالینک دعواسنی سرعت سریمده حل ایتک و عدلی بر صورتده یاره لرینی صارمق ایستیور . یعنی حکومت حلیم و شفیق برشی تعقیب ایتک ایستیور . حالبوکه انجمن بوکافی دکلدر دییور و احوال فوق العاده واردر ، دییه استقلال محکمه لرندن باشقه بر محکمه تشکیله نه لزوم کوردیور . شمدی ، رجایدرم ، احوال فوق العاده دییوب ، کیدیوروز . احوال فوق العاده ندر ؟ مثلاً ؛ بعض شیلر واردر . . . تعیرات حقوقیه سی اییجه خاطر مده دکل ، برسند غائب اولدینی زمان ، مثلاً ؛ احوال فوق العاده

صلاح الدين بك (مرسين) — ظلم محكمه سى . .
 خليل ابراهيم بك (دوامله) — يعنى بونى تحليل
 ايده جك اولور سق افنديلر؛ بو، بوندن بشقه برشى دكلدر.
 ممالك مستخلصه يه كوندر ياه جك استقلال محكمه لر ينك
 قانونى وار ، اصولى وار . فقط ؛ بوراده اويوقدر .
 اعدام محكمه اعتراض يايغه لزوم قالميه جقدر . ايسترسه
 يايه جق ، ايسترسه يايه ميه جق . وقت بوله بيليرسه ، يعنى
 نصل ديه يم بيله ميورم . بز بوراده محكمه سى ويريوروز . سز
 اورايه كيديكز ، اعدام ايديكز . بو، بوندن باشقه برشى دكلدر .
 صكره ديورلر كه افندم ، بر چوق ديه ميه جكم ، چونكه
 اشغال آلتنده بولنان مملكتلر مبعوثلر ندن برى ده ديورلر
 بز مملكتده بوله لر دن درت دانه وار . بناء عليه ؛ بونلر
 مملكت داخنده اقل قاييدر . صكره افندم ؛ غزته لر مزده
 كورديكمز و جهله دشمنك مختاريت ايچون جبر و زور
 ايله امضالري تحتنده مضبطه آلايى واردر . بالطبع بونلر
 كندى آرزولرى ايله امضاله ديغنه قانع دكلز بو مسئله يي
 اوزمان كندى غزته لر مز ايله اعلان ايتدك بو زور
 ايله يايلىشدر . شيمدى نصل اوليورده بونلر ادانيدر
 دينه بيلور ؟

رفيق بك (قونيه) — اوبله ديغدى .

خليل ابراهيم بك (دوامله) — بو، بو ديكلدر .
 صكره اداينك تجزيه سى ديورلر . كيم ايستركه ادانى
 تجزيه ايدلسون . بو آدملر اساساً مجرمدرلر . شيمدى
 اصل آكلاشيلميان ، توضح ايتين بر مسئله وارسه ادانى ي
 بز تجزيه ايتيه لمى ؟ كيم ديورلر كه ايتيه لم ؛ ايدلم . ايتيه لم
 ديهن يوق . فقط بز محكمه لر مزى تشكيل ايتدكنى ،
 ايتدكنى ؟ حق محكمه لر دن زياده خيانت وطنيه قانونى
 ايله استقلال محكمه لر يي ده تاسيس ايتكى دوشوندك و بونك
 اوزرينه بر محكمه تشكيل ايتدك . اسمنده استقلال
 محكمه سى ديدك . بونلر دوروب دوريركن ، يعنى هرايش
 ايچون ، هر پر آلتدق استقلال محكمه لر يي تشكيل ايدلم ؟
 بنده كزجه بو مواد قانونيه شو اسباب موجب سندن يعنى
 هيئت عموميه سنبه متعلق اسباب موجب دن زياده انجمن دن
 صوريورم . ديورم كه سز حكومتك تشكيلنى قبول ايتدكز .

اچيق صورتده سويله بيكز ، نه ايچون قبول ايتدكز ؛ چونكه
 بوراده استقلال محكمه لر يي ديمسكه استقلال محكمه لر يي
 اولمايور . استقلال محكمه لر يي ندن قبول ايتيورسكز ؟
 ومدعى عمومى يه حق اعتراضى نه ايچون بر ايتيورسكز ؟
 سبب ندر ؟ انجمن بونلره جواب ورسون ؛ اوندن
 صكره ايحاب ايدن شيلرى مناقشه ايدرز .

حسين عوفى بك (ارضروم) — رئيس بك ؛
 بنده كزك كنديلرينك جوابنه قارشى جوابم واردر . اوندن
 صكره انجمن جواب ورسون .

مفيد افندى (قيرشهر) — شخصى سويله جكم .
 بنده كزك امضامك ده آلتنده كورولديكى وجهله استقلال
 محكمه سى قانوننه متعلق شو استثنائى ماده لرك علمنده
 بو هدايغمن دولايى بر كره آله موجود بولنان و مجلس
 عاليجه قبول ايدلش اولان استقلال محكمه لر يي تا ند
 قانونده اعدام قرارلرى مجلس عاليجه تصديق ايدلر كدن
 صكره انفاذى مصرح و فقط لى الايحاب مجلس ، اعدام
 قرارلرى ده كندى تصديقه حاجت براقدير مقسز بر اجراسى
 استقلال محكمه لر يي هيئت لر يي توديع ايدجكى ده معين
 اولديغندن دولايى مجلس على ، بو اعدام قرارلرينك
 اجرا و انفاذى كوستر مشدر . شمدى مجلس عاليك
 كندى تصديقه حاجت قالمق سز بر استقلال محكمه سى
 هيئت لر ينك اعدام قرارلرى اونلره وروب قبول ايتدكن
 صكره ، مدعى عمومى لرك اعزامى مسئله سنى — كه يالكز
 اعدام ايله وظيفه منحصر قاليور . مدعى عمومى نك
 اعدام قطه سندن يايه جنى اعتراضه تا ند خصوصاتى ،
 مجلس بوضلاحيتى محكمه لر ه و ير دكندن دولايى بو باده كى
 صلاحيتى ده كان لم يكن كى كور ييورم . بوندن دولايى
 مجلسك و ير ديكي او ماذونيتك ايچروسنه ديرسه كه مدعى
 عمومى اعدام قرارينه اعتراض ايدجك اولورسه ، يه
 مجلسجه تدقيق و تصديق اونق اوزره اعتراض
 ايدلمن اعدام قرارلرينك اجراسى صلاحيتى استقلال
 محكمه سى هيئته و ير دم ديرسه ، بو قانونك ماده سنده كى غرابتى
 قالدير مش اوله جنى و جهله بو جهتك اسباب موجب يه
 درجنى هيئت جليله لر ندن رجاليورم . ايكنجى قطه يه كلنجه :
 مدعى عمومى تديرينك مدعى خصوصى يه تحويلى ايحاب

ایستدیرن ، تحدید کله سنک قطعاً جائز اولمادیغنی عرض
ایده حکم . سنک یالکیز وظیفه ایله اعدام قرارینه عائد
حق اعتراضک واردرد . بوندن ماعدا بوتون اعتراضاتی
سنک الکندن آلدق . او حالده سنک مدعی عمومی اوله رق
کیتمک لککه حاجت یوق . او حالده مدعی عمومینک آدی
مدعی عمومی دکل ، مدعی خصوصیدر دیهلم . بویله
اولق لازم کلدیکی جهتله هیچ بر قانون شناس ، هیچ
بر حقوق شناس ، مدعی عمومی دینیلن ذاتک صلاحیتینی
تحدید ایده من . ایده مدیکندن دولای اسکی قانون موجبجه
تمامیت حقوقیه سنی حائز اولمالی . مجلس طرفندن ، استقلال
محکمه لرینه ویریلن اعدام قرارلرینک انفاذ صلاحیتینه ده
مجلس ، مدعی عمومی اعتراض ایستدیککی وقت تدقیقه
کندیسنده صلاحیت کوره رک قبول ایتمیدر والا ، باشقه
درلو اوله ماز . بونک ایچون برنجی ماده نک هیچ موقعی
یوقدر . موقعی اولمادیغندن هیئت محترمه دن طینی تکلیف
ایدرم .

یاسین بک (غازی عینتاب) — اقدم شوق قانوندن
مقصود اولان ایشی یاقمده آکلاشیلیورکه هیئت علیه
متحددر . فقط بعضلر من حقوق نظریه لری یورودیور .
بعضلر من اونه دنبری کان استقلال محکمه لرینک بیلم
اوزرنده بر فکر یوروده رک اونلر اوزرنده علیهدارلق
ایدیوروز . بعضلر مزده حقیقه اورالده استقلال
محکمه لرینک کوندرلسی لزومه دائر لهده برچوق شیلر
سویلیوروز . یعنی اساس اعتباریله متفقز . فقط شکلاً
باشقه ، باشقه مطالعه ده بولونیوروز . حق حامی بک
پوریوردیورکه فوق العاده احوال واردرد . بو فوق العاده
احوال ندر؟ دیورلر . یعنی مجلس عالی ایستیورمی که دشمن
ایله برابر اوینی ییقان بالخاصه ناموسنه تعرض ایدن بر شخص
حقنده اوراده کی محمد بالذات احقاق حق ایسون . بونی
یاپسونلرمی ؟ اوندن صکره می محاکم کوندره لم . بوکبی
شیلرک یایله جنی و حتی یایلمسنه رمق قالدیغنی اورایه
بالذات کیدوب کان آرقداشلر مزدن آکلاشیلر من و بالذات
حکومت تکلیف ایله مجلس عالی به کلشدر . شمندی
بونک اوزرنده بر فکر ایدینه رک اونه دنبری استقلال

محکمه لرینک علیهنده بولنیورم دیه بو تکلیفک علیهنه
یورومیهلم . صکره اورایه استقلال محکمه سی کیده حکم
اما شونی یابه حق ، بونی یابه حق ، دیه علیهنه یورومیهلم .
حق الانصاف دوشونه لم .

ضیاخورشید بک (لازستان) — شونی یابه حق ،
بونی یابه حق نه دیمک؟ (دوام سلسری)

یاسین بک (غازی عینتاب) — صکره مدعی عمومی لرک
حق اعتراضندن بحث ایدیلور . شمندی اوراده بردانه سی
کلدی ویدی که بنماینکی احمد آلدی . او اینک حقنده
استقلال محکمه سی برقرار ویردی . اینک الده موجود ،
ویریلن قراره مدعی عمومی طرفندن اعتراض ایدلدی دیه
او حکم مجلس عالی به می کلسون ؟ سورونجمه ده قالسون .
اینک اوراده موجود . استقلال محکمه سی قرار ویرنجه
اینکی صاحبنه ویرملی . بو تأخره سببیت ویرمز . بوکا
مدعی عمومی اعتراض ایسون ، بیلم شو ، شویله اولمش
دییه اوفق تفک بر طاقم شیلرله حکمک اجراسنی تأخره اوغرا
اتمق دوشرمی؟ اساس اولان حق اعتراض اعدامه تعلق ایدیور .
اعدام مسئله سنه مدعی عمومینک بحق اعتراضی واردرد .
صکره وظیفه نقطه سنندن ده دیورکه مدعی عمومی هر هانکی
بر تحقیقات صقحه سنه ایستدیککی قدر اعتراض ایده بیلور .
یعنی ایستدیککی نقاطده مداخله ایده بیلور . مداخله اتمک
وظیفه ک دکلدر دییه استقلال محکمه سی برقرار ویره من .
یعنی بوراده اساس اعتباریله مدعی عمومی ک تحدید ایدلش
بر صلاحیتی یوقدر . مدعی عمومی لر قانونه مخالف کوردیکی
هر هانکی بر شیئه اعتراض ایده بیلور . بنده کنز او یله آکلا
یورم . مدعی عمومینک حق اعتراضی یوق دیمک دکلدر .
مادام که بوراده اعتراض وظیفه نقطه سنه انحصار ایدیور .
بر محکمه ده هر هانکی بر محاکمه ده حاضر بالجلس اولان
مدعی عمومی ک صلاحیتنده تحدید اینلش برشی یوقدر .
بنده کنز ماده نک عیناً قبولنی رجا ایدیورم .

حسین عوننی بک (ارضروم) — اقدیلر ! شو
قانونک سبب وضعنی خاطر لایتم . اولکی استقلال محکمه
لری قانونتی تعدیل ایدوب بو شکله صوق ایچون ، ایکی
سنه اوغرا شدق . شمندی اسکی شکله کتیرمک ایچون؟

حسین عونی بك (ارضروم) - بن یالان سویلیور
 دیورم . آرقداشمه یالانخلیق اسناد ایتمورم . بر حس
 اوزرینه سویلش اوله بیلیر . حسك چوق تأثیری
 وارد . صکره مسئله اصوله دائردر . بوراده قالمیدر .
 یا استقلال محکمه لرینك قانونی تعدیل اولنور و یا خودده
 ممالک مستخلصه یه عائد اوله رق اصولی دائره سنده محاکمه
 ایستور . بونی تعیین ایتمک ایچون ، بر ساقیم ایلری یه
 کیتیمک امکانی یوق . بناء علیه ؛ بو ماده نك مذا کره سنه
 امکان یوقدر . چونکه : افندیلر ؛ استقلال محکمه لرینك
 تعدیلی ماهیتده انجمنه بویله بر لایحه کیتمه مشدر .
 وبونک حقه ده سویلتن سوزلر و دوام ایدن مذا کرات
 بو وادیده آچلما مشدر . اکر محکمه استقلال محکمه سی
 ایسه رایلر بویله طلب ایدلشدر - اونک ایچون آریجه مذا کره
 ایدلیدر . استقلال محکمه سنک کیتمسنه قرار ویرلشدر .
 یوقسه افندیلر ! استقلال محکمه سندن آری بر محکمه
 شکلی احتوا ایده حک اولان شو قانونک مذا کره ایدیله
 بیلیمسی ایچون ، بونی یکیدن مذا کره یه وضع ایتملی .
 چونکه : بز ، استقلال محکمه لر ی قانونک تغییری
 و یا خود تعدیلی حقه ده ، مذا کره آچما مشدر . ممالک
 مشغوله یه استقلال محکمه سی کیتسونمی ؟ کیتمه سونمی ؟
 دونکی مذا کره بوکا دائردی . مذا کره ایدیله حک جهت
 بودر . مذا کره شمدی ایکیدر . استقلال محکمه سی کیتمی
 او قانون ایله دکل . بو قانون ایله کیدرسه ، او وقت مسئله
 دکیشر افندیلر ؛ بو قانونک هیئت عمومی حقه ده مذا کره
 آچیلما لی . باشقه صورته دوعرو اولماز . هر حاله بز
 هر کسک قناعتنه حزم ت ایدرز . بز مطالعه من علمک
 غیری ایسه جوانی بوراده مدلاً ویرسونلر . یوقسه
 اوراده ماده اوله رق قونان ، شیلر . . .

یاسین بك (غازی عینتاب) - رئیس بك ؛ قانونک
 هیئت عمومی مذا کره ایدیلر کن بو باده مطالعه بیان
 ایدلشدر و هیئت عمومی قبول ایدلشدر .
 حسین عونی بك (ارضروم) - بنده کز هیئت
 عمومی نك نظر دقنه عرض ایدهم . مسئله اوله دکلدر .
 بوکون مذا کره ایدیلن استقلال محکمه لر ی قانونک

بر یول آرانور . اکر اولکی شکلدن ممنون ایسه کز
 اونی نه ایچون تعقیب ایتمدیکز ؛ اولکی قانون مکمل
 ایدیسه ، حاکم لک رأی خودی ایله یابدق لری کبی ؛ حکم
 ویرمه قدر ت لری وار ایدیسه نه ایچون یکی قانونی یابد-
 یکز ؛ صورارم . بر . صکره مساعده کزله انجمنک ویردیکی
 جواب چوق غریبدر . بنده کز صوردم ، که : مدعی عمو-
 میلرک حق اعتراضی رفع ایتمک مانعی اساسه مستددر ؛
 بو یوردیلر ، که : بشنجی ماده یه مستددر . بشنجی ماده یی
 بنده او قویهیم . استقلال محکمه لرینک اعدامدن غیری
 حکملری قطعی اولوب انفاذینه بالعموم قوای مسالحه
 دولت مأموردور . الخ ...

کوریلور ، که : افندیلر ! بو ماده ده مدعی عمومیلرک
 اساس وظیفه لر ی معین دکلدر . ویردکلری حکمی مدعی
 عمومیلر اعتراض ایتمزدن اول مجبوردر او محکمه یه تصدیق
 ایترمه که . اما مدعی عمومی قانال اوله حقدر . اونک
 اهمیت یوق ، رجا ایدرم . لای الخاجه بویوک ملت مجلسی
 او هیئت حاکمه یه اعدام حقی ویرم جکلدر . اونکه
 بو رفع اعدامک قطعاً مناسبتی یوقدر .

صکره اعتراض مسئله سنه کننجه : آلتنجی ماده دن بحث
 ایدیور . نه دیور ؟ استقلال محکمه لر ی قرار لرینه بو
 مدعی عمومیلرک حق اعتراضی وارد . آلتنجی ماده ده
 اعدامه دائر بر مسئله یوق و بو قانون که هنوز تطبیق
 ایدیله مش ، محذوری آ کلاشیله مامش . دون یاپ و بونی
 تطبیق ایتمدن بوکونده تعدیلنه قالق . رجا ایدرم ؛
 بوکون استقلال محکمه لرینک وظیفه سنک تعدیل ماهیتده کی
 مذا کره آچیلماش اولسه ییدی ، بو مناقشه ایدیلردی .
 ممالک مستخلصه ده بش اون آدم یونان آمالنه خدمت ایتمکه
 مظنون اولمش ، اورایه کیدن آرقداشلریمز بونی سویلور لر .
 بو کبی وقایعی اورایه کیدن آرقداشلریمز ناصل کور مشدر ؛
 رجا ایدرم ، اونلرک سوزیه محکمه کوندرمک دوعری
 اولماز . ایستر محمدشکری بك اولسون ، ایستر دیگر ی
 اولسون ، او مملکت خلقنددر . مبعوث اولور . فقط ؛
 انسانلقدن مجرد ایتمز .

یاسین بك (غازی عینتاب) - فقط ؛ یالان سویله من .

تبدیل و تغییر مسئله سیدر . ایکی سنده مشکلاته بونی
تبدیل و تغییره موفق اولدیکنز . بویله برحس اطرافنده
اوقانونی ضربه لاقم کناهدر . بزرایمزی اورایه ویرمدک
استقلال محکمه لرینه ویردک . سز ای دقت ایتمه مشسکز
ومذا کره نک جریاننه دقت بوپورمامشسکز .

طوراق بک (ارضروم) — بنده کزبونک حقتده قیصه
برایکی جمله افاده ایده جکم . ویالکزماده حقتده سویله یه جکم
باشته طرفه صایمیه جقم . دون ده عرض ایتدیکم
وجهله بنده کزده بوانجمنده بولتیوردم و بوکا مخالفم .
بنده کز یالکمز شونی صورمق ایسترم . اقدیلر دنیانک
هانکی طرفنده ، هانکی محکمه سنده و هانکی کتابده
کوردیکمز که مدعی عمومینک حق اعتراضی تحدید و تعدیل
ایدلسون . بونک امثالی وارمیدر ؟ که : بزبویله بز شی
چیقاریورز .

یاسین بک (غازی عینتاب) — اولماسه ده بزبایه جقز .
رئیس بک ! سوز ایسترم .

طوراق بک ارضروم (دوامله) — رجایدرم بکم ،
بوراده سویله ییکمز . سز سویله دیکمز زمان بنده کز
حرمتله دیکلهدم . هیج اغزیمی آچمادم . اقدیلر ! بوندن
بز بچق آی اول ، اسکی استقلال محکمه لری قانونی تعدیل
ایدرکن ، بر قانون یایدق واوراده اوزون مناقشه لردن
صکره بر مدعی عمومیلک قبول ایتدک . بناء علیه ؛ او
مدعی عمومیلکی البته بر اسباب اوزرینه قبول ایتمش ایدک .
و او وقت یایمش اولدیغمز قانون موجبجه ؛ استقلال
محکمه لرینی نه صورتله یایدق و زویه کوندریوردق ؟
بونی ایضاحه لزوم کورم . وشمیدی استقلال محکمه لری ده
زویه کیدیور ؟ بونی ده ایضاحه لزوم کورم . بو جهق

هیئت علیه کز ، طینیعیدر ، که : تقدیر ایدر . بناء علیه ؛ نه اولدی ، که :
او کون مدعی عمومیلره برحق اعتراض ویریلیورکن یعنی قانون
بو حق تمامیه کندیسنه بخش ایدرکن ؛ بو کون نه دن تحرید
ایدیلیور ؟ بونه یه بکمز ؟ بنده کز بوکابسیط بر مثال عرض
ایده جکم . چونکه بونی هر عقل قبول ایدر . و بسیط برشیدر .
بناء علیه ؛ بنده کز بو خصوصه بر آز که ابلر قاریشیدر مشم
و بونی ده آرقداشلر ! عضو کزه مغرور اعرض ایده جکم .

بر دعوته اون بش کشی دعوت ایدیلر . سفریه او طور لرلر .
سفره ده چور باکدیکی وقت بو یورک دیرلر . بوزک کادیکنده
قولنی باغلارلر . رجایدرم . اولورمی بویله شی ؟ بناء علیه ؛
بونک آره سنده بر فرق ده وار . اوده ؛ اوراده بوزکی
ییه مدیکی حالده تلافیسی نمکن اولدیغندن ؛ خارجه قارتی
دویورر . فقط ؛ بونک تلافیسی ده ممکن دکدر . و بونک
تلافیسی غیر ممکن وضعیتلر احداث ایدر . چوق رجای
ایدرم ، دنیانک هیچ بر طرفنده اولیان چشمیدلری
بز بوراده ایجاد ایدوبده بیهوده ره مناقشه لرله اوغراشمیه لم .
اگر مدعی عمومی ایسه ، تمامیه بوکا صلاحیتی بخش
ایدلم . یوق ، اگر مقید اقدی قرداشمزک دیدیکی کبی ،
مدعی خصوصی ایسه بونک اسمی مدعی خصوصی دییه لم
واوکا کوره بر قانون یاپه لم . و کندیلر بنده او یولده صلاحیت
ویرم . کیتسینلر . اقدیلر ! بونک اوزرنده مناقشه ایستمز
یامدعی عمومی واردر ، یایوقدر ، یا هر کسک حقوقی محافظه
ایده جکدر و یا خود ایتمیه جکدر .

رئیس — اقدم ! مذا کره نک کفایتی حقتده ایکی
تقریر وار . فقط ؛ انجمن رئیسی بک اقدی ده سوز
ایسته یورلر . (کافی صدالری) (سویله سون سسلری)
اقدم ! مذا کره نک کفایتی قبول ایدنلر لطفاً ال قالدیرسون !
مذا کره کافی کورلمشدر . تقریرلر او قونور .

ریاست جلیله یه
شفاها غرض ایتدیکم کبی اسباب موجبیه بناء برنجی
ماده نک طینی تکلیف ایدرم .

۲۸ ایلول سنه ۱۳۳۸

قره حصار صاحب مبعوثی
محمدشکری

ریاست جلیله یه
استقلال محکمه لری قانوننک آلتنجی ماده سنده
مدعی عمومیلره ویریلن حق اعتراضک ایکی مسئله یه
انحصاری دوضری دکدر . آز چوق تکمل ایتمش اولان
استقلال محکمه لری مدعی عمومیلرینک اعتراض صلاحیتنک
رفع و تقصیری مدعی عمومیلر ایچون عدم امنتی تولید
ایدر . هر نوع دعاوی یه اعتراض ایدر . قناعی وارسه

اعدام قرار لرینك جمله سنه اعتراض ایتمه جكنی كیم تأمین
ایدر؟ بناءً علیه؛ برنجی ماده نك ردینی تكلیف ایدرم.
اسپارطه مبعوثی

طاهر

ریاست جلیله یه

اعدام مقررانتك مجلسك تصدیقه حاجت قائمه سزین
اجراسنه متداؤدر . استقلال محكمه لری هیئتنه وردیگی
صلاحیته مدعی عمومیلر اعتراض ایتردیگی تقدیرده؛ مجلسك
تدقیق و تصدیق ایتمكه حقی اولدیغنك تصریحی لازم
كله جكندن، بوقیدك درجی و برنجی ماده ده کی مدعی
عمومیلر ك اعتراض حقتك تحدیدی مدعی عمومی عنوانیله
تضاد تشكيل ایده جكندن ، برنجی ماده نك طینی تكلیف
ایدرم .

قیرشهر
مفید

ریاست جلیله یه

مالك مستخلصه یه کوندریله جت استقلال محكمه لری
حقننده کی انجمن مخصوص مضبطه سنك برنجی ماده سنك
تعین اسامی ایله رایه وضعی تكلیف ایدرز.

۲۸ - ۹ - ۳۳۸

| | | |
|-----------|----------|------------|
| قونیه | ارضروم | یوزغاد |
| عارف | نصرت | فیاض عالی |
| آنطالیه | اسپارطه | اسپارطه |
| مصطفی | رمزی | محمدنادر |
| کنج | استانبول | ارضروم |
| فکری فائق | احمدشکری | حسین عونی |
| لازستان | دیوه رك | بوردر |
| عثمان | لطفی | محمد عاکف |
| ایچ ایل | کنج | لازستان |
| اوقونامدی | حلال | ضیا خورشید |

رئیس -- اقدام ! اوج تقریر وار. طینه عائد ایگی
تقریرده ماده نك عیناً رایه وضعنه دائردر .

ماردین مبعوثی ابراهیم بك برنجی ماده نك عیناً
رایه وضعی و اون بش امضالی بر تقریرده برنجی ماده نك
تعین اسامی ایله قبولی تكلیف ایدرز دیورلر (اولا
طی تكلیفی صدالری)

اقدام ! طی تكلیفی ویرنلر قره حصار محمد شکری
بك ، اسپارطه طاهر بك ، قیر شهر مفید افندی ، اوجی
متفقد .

برنجی ماده ده تناقص واردر . ردینی تكلیف ایدرم
دیورلر . بناءً علیه؛ اولاطی تكلیفی رایه وضع ایده جكم.
صكره ده دیکر لرینی . برنجی ماده نك طینی قبول ایدنلر لطفاً
ال قلدیرسون ! اکثریتله برنجی ماده طی ایدلشدر .
اون دقیقه تنفس ایلك اوزره جلسه یی تعطیل
ایدیورم .

مالك مستخلصه یه کوندریله جك استقلال محكمه لری

حقننده کی عدلیه انجمنی مضبطه سنك ماده لرینه

کیلمه سنی ایکنجه دفعه اوله زق قبول ایدنلر

شوكت بك سینوب ، قدری بك دیاربکر ، رشدی
بك ارغنی ، عبدالله افندی سینوب ، احسان بك جبل
بركت ، رفیق بك قونیه ، حمدی افندی دیاربکر ، شکری
افندی قره حصار صاحب ، یونس نادى بك ازمیر ، هاجم
محمی الدین بك قره سی ، خلیل خلقی افندی سعرد ، مسعود
بك قره حصار شرقی ؛ روشن بك كمشخانه ، تحسین بك
آیدین ، حسن فهیمی بك كمشخانه ، حافظ شاهین افندی
غازی عینتاب ، درویش بك ماردین ، حسین بك قوزان ،
مظهر مفید بك حکاری ، یوسف بك دكزلی ، طونه لی
حلمی بك بولی ، حسن بك طرزون ، فکرت بك
قوزان ، نجیب بك ماردین ، نبیل افندی قره حصار
صاحب ، شمس الدین افندی آقره ، حاجی عارف بك
استانبول ، حسین حسنی افندی استانبول ، رفعت افندی
قونیه ، علی رضابك استانبول ، حاجی ولی افندی اسکیشهر ،
دوقتور عابدین بك لازستان ، یحیی غالب بك قیرشهر ،
خلوصی افندی قسطمونی ، حاجی بدر آغا ملاطیه ، علی
واصف بك کنج ، دوقتور رفیق بك بایزید ، نشئت بك
کنگری ، اسماعیل صبحی بك ، بوردوز ، ضمیر بك آطنه
خلیل ابراهیم افندی اسکیشهر ، یاسین بك غازی عینتاب ،
ابراهیم بك ماردین ، خسرو سامی بك اسکیشهر ، حسین
بك العزیز ، مصطفی عاکف بك دیاربکر ، دوقتور مصطفی
بك قوزان ، صفا بك مرسین ، مصطفی وصفی بك توقاد ،

طوراق بك ارضروم ، محمد محمدی افندی آطنه ، سری
 بك ازمیت ، راسم بك العزیز ، حاجی طاهر بك اسپارطه
 عارف بك قونیه ، اسماعیل بك ارضروم ، حاجی مصطفی
 افندی آقره ، سامی بك ایچایل ، واصف بك سیواس ،
 جمال پاشا اسپارطه ، زهت بك ارغنی ، عمر لطفی بك
 آماسیه ، عالم افندی قیصری ، مصطفی بك درسم ، حسن
 تحسین بك آنطالیه ، عثمان بك لازستان ، مصطفی بك
 آنطالیه ، بحری بك یوزغاد

مستكفلا

یوزان بك اورقه ، صادق بك قیرشهر ، دو قنور توفیق
 رشدی بك منتشا ، جمیل بك گوناهیه ، عاطف بك قیصری ،
 احمد بك یوزغاد ، نوری بك بولی ، ضیا بك كنفیری ،
 توفیق بك ارزنجان ، طاهر افندی كنفیری ، عطابك نیکده

ایکینجی جلسه

بر مذاکرات

دقیقه ساعت

۲۰ ۳

[رئیس - ایکینجی رئیس و کیلی موسی کاظم افندی حضر تلی
 کاتیر: ضیا خورشید بك (لازستان)، عاطف بك (قیصری)]

دیوانه ریاست قرارلی:

رئیس -- اقدم ! جلسه کشاد ایدلمشدر . اقدم
 دیوان ریاست قرارلی واردر . اولنر او قونجه قدر .

هیئت عمومییه

۲۷-۹-۳۳۸

زیرده اسامیسی محرر ذواتک معذرت قطعیه لرینه
 مبنی حدالرنده کوسترلین مدنلرله مآذونیتلری دیوان
 ریاستک ۲۷-۹-۳۳۸ تاریخلی یکریمی طقوزنجی اجتماعنده
 تنسیب ایدلمش اولمقله هیئت عمومییه نك نظر تصویبته عرض
 اولنور اقدم .

بو یوکملت مجلسی رئیس ثانیسی

دوقنور عدنان

رئیس -- علی رضا افندی آماسیه نك اوج آی
 مآذونیتلی قبول ایدنلر لطفاً ال قالدیرسون ! قبول
 ایدلمشدر .

فوزی افندی باطوم ، احمد حلمی بك قیصری ، ثابت
 بك قیصری ، شا کر افندی آقره ، عثمان قدری بك موش ،
 علی سروری افندی قره حصار شرقی ، شکری بك بولی ،
 حق بك وان ، مصطفی بك کمشخانه ، فائق بك ادرنه ،
 حیدر بك وان ، عاصم بك ارضروم ، راعب بك غازی
 عینتاب ، مدحت بك ماردين ، علی رضا افندی آماسیه ،
 ممدوح بك قره حصار شرقی ، احمد مظهر بك استانبول ،
 امین بك ارزنجان ، عاطف بك بایزید ، راسم بك جبل-
 برکت ، اسعد بك ماردين ، امین بك اسکیشهر ، رشید
 آغا ملاطیه ، ذکائی بك آطنه ، وهبی بك بتلیس ، حاجی
 محمد افندی بایزید ، ابراهیم حق بك ارغنی ، حمدی بك
 طربزون ، علی رضا افندی ایچایل ، علی رضا بك موش ،
 توفیق افندی كنفیری ،

ماده لره کچلمه سنی رد ایدنلر

عبدالعفی بك موش ، حسینی بك بتلیس ، وهبی
 افندی قونیه ، طوفان بك حکاری ، یوسف ضیا بك
 مرسیین ، قاسم بك موش ، وصفی بك قره حصار شرقی
 علی افندی ایچایل ، حق حامی بك سینوب ، ولی بك
 بوردور ، حافظ محمد بك طربزون ، نجاتی بك ارضروم
 نیازی افندی اسکیشهر ، یاسین بك اولتی ، رضا بك
 قیرشهر ، خلیل ابراهیم بك آنطالیه ، سلیمان بك جانبک،
 نادر بك اسپارطه ، صلاح الدین بك مرسیین ، مصطفی
 صبری افندی سعرد ، شریف بك سینوب ، عزت بك توقاد ،
 حاجی قریب آغا ملاطیه ، حاجی بکر افندی قونیه ،
 وهبی بك نیکده ، ضیا خورشید بك لازستان ، شیخ
 حاجی فوزی افندی ارزنجان ، مصطفی بك قره حصار
 شرقی ، فکری فائق بك کنج ، جلال بك کنج ، عاکف
 بك بوردور ، مصطفی لطفی بك سیوره ک ، فیاض عالی بك
 یوزغاد ، شرف بك ادرنه ، شکری بك قره حصار صاحب
 امیر پاشا سیواس ، اسماعیل رمزنی بك اسپارطه ، حسیب
 بك مرعش ، حاجی عاطف افندی آقره ، حیدر لطفی بك
 ایچایل ، مفید افندی قیرشهر ، سلیمان سودی بك بایزید
 جودت بك قیرشهر ، نصرت افندی ارضروم ، تقی افندی
 سیواس ، حسین عونى بك ارضروم ، شکری بك جانبک،
 ادیب بك باطوم ، بهجت بك كنفیری ، بسیم بك قسطنطنیه ،

عاکف بك (ديار بكر) اوج آي مآذونيتي قبول
ايدنلر لطفآل قالديرسون ! قبول ايدلمشدر .

زهبي بك (نيكدە) نك اون بش كون مآذونيتي
قبول ايدنلر لطفآل قالديرسون ! قبول ايدلمشدر .

حمدي نامق بك (ايزميت) كايبي آي مآذونيتي قبول
ايدنلر لطفآل قالديرسون ! قبول ايدلمشدر .

محمد نيازي بك (اسكيشهر) بر آي مآذونيتي قبول ايدنلر
لطفآل قالديرسون ! قبول ايدلمشدر

رئيس -- ادمم فهمي بك « منتشا » نك طيب
راپورينه استنادآ اوج آي مآذونيتي قبول ايدنلر لطفآل

قالديرسون ! قبول ايدلمشدر .
استعمول محكمه سي قانونك مذاكره منه روام :

رئيس -- افندم ! ايكنجهي ماده نك مذاكره سینه
باشلايورز .

علي سروري افندي (قره حصار شرق) -- دمين
تعين اسامی ايله رايه قونمسي ايچون ، برنجي ماده حقدده

بر تقرير واردي ظن ايدرم . مقام رياست بونده ذهول
ايتشدر . بونك تعين اسامی ايله رايه قونمسي لازمدره

بناء عليه ؛ بوندن صكره اولسون ، بويله بر ياكشلفه ميدان
قالماسين (كچمشدر سسلري ، كورولتيلر)

حقي حامي بك (سينوب) -- رئيس بك ! تقرير
صاحبلري تقريری كيری آليورلر افندم .

علي سروري افندي (قره حصار شرق) -- بنده
بيلورم كچمشدر . فقط ؛ باشقه دفعه نظا نامه احكامی تطبيق

ارلونسون دييورم افندم .
رئيس -- افندم ! معامله نك كآن لم يكن اولديغی

ادعا ايتيورلر . بناء عليه مسئله يوقدر .
خليل ابراهيم بك (آنطاليه) -- بنده كز ماده نك

اساسه متعلق دكل ، اصوله عائد سويليه جكم . آرتق بو
ماده نك قالماسته لزوم قالماشدر . سببي ده شودر :

ماده ۲ -- بو محكمه لر رؤيت ايتديكي جرائمدن متولد
حقوق شخصيه دعوالريته حكيم ايدم بيلير .

برنجي ماده لغو ايدلدكدن صكره هانكي محكمه لر
حكيم ايدم جك ؟ آرتق محكمه يوقدر ، بناء عليه ؛ بنده كز-

جه برنجي ماده طی ايدلدكدن صكره بو ماده بده لزوم

يوقدر قاعتمده يم . بونك رايه قونمسي تكليف ايدميورم .
مصطفى كمال بك (ارطغرل) -- افندم ! هيتت جليله

ممالك مستخلصيه بر استقلال محكمه سي كوندرمكه قرار
ويرمشدی . بويتمشدره ، اصلدر . رد ايديلن برنجي ماده

مدعي عمومينك وظيفه سینه متعلقدر . شو حالده مدعي
عمومينك اعتراضی تحيد ايدن ماده رد ايديلنجه اصل

عودت ايتشدر . مدعي عمومی ، استقلال محكمه لری
قانونی موجبجه حقی استعمال ايدم جكدر . برنجي ماده نك

طبي ايله ديكر ماده نك طبي ايجاب ايتمز .
ضيا بك (كنگری) -- هانكي محكمه يابه حقي ؟

مصطفى كمال بك (ارطغرل) -- استقلال محكمه سي
يايور افندم .

ضيا بك (كنگری) -- استقلال محكمه سي يابه حقه ،
لزوم يوق افندم .

حسين عوني بك (ارضروم) -- افندم ! آكلاشيليور كه
انجمن فوق العاده بر محكمه تشكيل ايتك ايتمش ، اسمني ويره-

مهمش . اونك اسمني استقلال محكمه سي دولاييسيله استقلال
محكمه سي قويمش . بونك اسمي مجهول (خنده لر) شمدی ايكنجهي

ماده بو محكمه لرك حقوق شخصيه دعوالري رؤيتي حقدده در .
استرخام ايدرم . يونانيلر ديار ايدم ايدن بعض كسان وارمش ،

حسياته اك زياده حاكم اولان جهت بودر . ايشته نظر
دقته آله حقي جهت بودر . بوراده شمدی مسئله دكيشيور ،

دييور كه : بو محكمه لر حقوق شخصيه دعوالري رؤيت
ايدم بيليرلر . چوق رجا ايدرم . حقوق شخصيه دعوالرينك

كچه چكي طريقي دوشونغي ، برده بو محكمه لری دوشونغلی .
يعني انجمن عقولرينه مغرورآ سويليوم - قوانين و قواعد

عموميه مزه اعتماد سزلق كوسترمشدر . علي سروري بك
دييه ميه جكم . چونكه ؛ كنه بيلرينك عدليه انجمنده اولملری

دولاييسيله ، عدليه ايشلرنده بر چوق قدرتمسزلك ،
اجرامسزلق اولديغنه دائر بر قاعتلری وارسه ، او انجمنده

كنديلری طور مامقله برابر ، او عدليه نك ده شمدی به
قدر اصلاحی ايچون ، بر چوق تشبثانده بولملری لازم

كليردی .
مفيد افندی (قيرشهر) -- بولايمجه مشترك انجمنده

مفيد افندی (قيرشهر) -- بولايمجه مشترك انجمنده

تنظیم ایدلشدر .

حسین عونی بك (دوامله) -- اوت اقدام اشتراك

انجمنده .

حاجی مصطفی صبری افندی (سرد) -- ها! شویله
تصریح ایدیکز زجا ایدرم . یالکز بوقراری ویرن عدلیه
انجمنی دکدر . موازنه مالیه وداخلیه انجمنلری ده قرار
ویردی .

حسین عونی بك (دوامله) -- او حالده افندیلر! استقلال
محکمه لرینک تعدیل ایدلیدی مرجعی دوشونکیز. افندیلر!
استقلال محکمه لری قانونی تعدیل ایدن انجمنک کیملردن
عبارت اولدیغنی و هانکی صنف آرقداشلردن عبارت
اولدیغنی بردها خاطر لایتم . موازنه مالیه انجمنی استقلال
محکمه لری قانوننک ماهیتنی تغییر ایده مز ، اونلر یالکز
پارویه قاریشیر . داخلیه ایسه : -- استقلال محکمه لری
عدلیدر اداری ماهیتده دکدر ، اونلرک یالکز بروطفه لری
واردر ، که : حکومتک تکلیف ایتدیکی لایحه حقنده مطالعه لرینی
در میان ایتکدر .

مظهر مفید بك (حکاری) -- رئیس بك افندی !
اورایه کیدن ذوات کنندی کیفی ایله اورایه کیتمه مشدر ، هیئت
عمومیه نك قراری ایله کیتمشدر . حسین عونی بك بوراده
انجمنلر حقنده لاف سولماسون .

حسین عونی بك (دوامله) -- خایر ، خایر اقدام !
ذات عالیترینه سولیشدم ، که : حکومتک تکلیف ایتدیکی
لایحه قانونیه اوزرینه داخلیه انجمنی بیان مطالعه یه
صلاحیتداردر . فقط ؛ صلاحیتلرینی تجاوز ایدرک ، باشقه
ماهیته کندیلرینی قاب ایتدیلر . بناءً علیه ؛ وظیفه لرینی
پایمیدیلر .

سامی بك (ایچ ایل) -- صکره مضبوطه رأینی
استعمال ایتمینلر باشقه در .

مظهر مفید بك (حکاری) -- حسین عونی بك
مادامکه اورایه کلدک . نیچون رأینی ویردک ؟ بئم رأیم
یوقدر .

حسین عونی بك (ارضروم) -- بنده کزکده رأیم
یوقدر .

مظهر مفید بك -- او یله ایسه بزرگه مشر .

حسین عونی بك (دوامله) -- او حالده افندیلر !

استقلال محکمه لرینی تعدیل ایدن قانوننک قبول ایدلمش
اولسی دولایسیله ، بوقانوننک مذاکره -- نه امکان و محل
یوقدر . یالکز ممالک مستخاصیه استقلال محکمه لری
کوندروب کوندرومه مک جهتی رأیه قونملی . قبول
ایدیلرسه ، انتخابه کچملی . یوقسه ، اوقانونی تعدیل ایچون
بوراده مذاکره لازم کلز .

دوقتور مصطفی بك (قوزان) -- ماده حقنده
سویله سون !

حسین عونی بك (دوامله) -- اوت اقدام ! ماده
حقنده بحث ایدیورم . بورقونداق در . اقدام استقلال
محکمه لری قانونی تارومار ایدیور .

دوقتور مصطفی بك (قوزان) -- اوسزک تلقیکز .
حسین عونی بك (دوامله) -- ذات عالیترینک
تلقیسی باشقه اوله ماز ، چونکه علم بویله امر ایدیور .
حقوق شخصیه دعوالری بو کئی ، فوق العاده محکمه لره
اولجده ویرلمش ایدی ، شمدی ده ویریله مز و بونک
طریق واردر بوقانوننک لزوم مذاکره سنه حاجت
یوقدر . دکل بو ماده ، حتی دیگر ماده لره بیله لزوم
قاله مشدر . بناءً علیه ؛ بو ماده لری الغادن باشقه چاره
یوقدر .

حق حامی بك (سینوب) -- اقدام ! بنده کز
یالکز استقلال محکمه لری حقنده کی قانوننک اونجی ماده سنی
اوقویه جنم . بوندن اولکی قانوننک اونجی ماده سنی
اوقودقندن صکره بوماده قانونیه نك اساساً زائد اولدیغنی
برنجی ماده دخی قبول ایدلسه ، بینه مقصدله قطعاً مناسبیتدار
اولمادیغنی عرض ایده حکم : استقلال محکمه سنک اونجی
ماده سنده : « استقلال محکمه لری عسکری جز قانوننک
یدنجی فصلنده کی حقوق امیریدن ماعداحقوق شخصیه یه
حکم ایده مز لر ، دیور . بناءً علیه ؛ بوقانوننک الآن مرعیدر
الآن مرعی اولان بوقانونی بوکون تعدیل ایدرک ، ماقبلنه
تشمیل ایده مز . هانکی قوانینه استناداً بونک تشمیل
ایدیله چکنی بنده کز ادراکدن عاجزم . انجمن نصل

اسباب و قواعد حقوقیه استناداً و بگونه قدر مرعی اولان بو ماده قانونیه خلافده بر مادهی ماقبله تشمیل ایدرک مجلسه کلدیکنی بزم سو بولر لسه، بزى بو خصوصده تنویر ایدر لسه بو خصوصده کی نقصانمزی اکیال ایدر لر. افندیلر! بو قانون قبول ایدلمش اولسه بیله؛ اودعوالر بو قانونی قبول ایدوب نشر ایتدیکنیز تاریخدن صکره تکون ایدن بر طاقم خصوصانندن متولد حقوق شخصییه دعوالرندن مرتبدر. حتی، حالاً مرعی اولان بر قانون که: مرعی دخی اولسه، سز بویله بر قانونی ماقبله تشمیل ایدم سز سکر. معلوم عالیبری وضع ایدیلن قانون آنحق مضمونک لهنده ایسه ماقبله تشمیل ایدیلور، مضمونک علیهنده شدتی احتوا ایدن قوانین ایسه، هیچ بر زمان ماقبله تشمیل ایدیله سز. بو، بر قاعده اساسیه در، که: دنیاک هیچ بر مجلسی، هیچ بر حکومتی بویله بر قانونی تعدیل ایتمز. افندیلر! اکر بز هیچ کیسه نیک قبول ایتدیکی برشی قبول ایدم جک اولور سهق، آلدانیرز. بو اعتبارله بوماده زائددر. طینی تکلیف ایدرم.

رفیق بک (قونیه) -- افندم! سوز آلدیغ زمان یینه چوق مشکل بر دعوانک مدافعه سنی در عهده ایتدیکنم دن دولایی دوشونمکه باشلامشدم. چونکه چوق رجا ایدرم معذور کوریکیز. دائماً هر هانکی بر ادعا بالنظریه اثبات ایدمک ایسته نیرسه، بونک مدافع لری هر یرده و چوق زمان موفق اولور لر. بونک کی، بوماده نیک عدم لزومه قائل اولان رفقای محترمه ده جداً چوق متین و چوق اساسلی نظریات حقوقیه استناداً مدافعه لری ایضاح بویو - ریور لر. فقط؛ افندیلر! دون ممالک مستخلصیه استقلال محکمه لری نیک کوندر بلوب کوندر نیه چی مسئله سی مناقشه ایدیلیرکن، رفقای محترمه دن بعضیلری حقوق شخصییه مسئله سه انتقال ایدرک، بونک لزوم و عدم لزومی حقدمه کی نقطه نظر لری جداً قیمتی نظریات حقوقیه مستنداً ایضاح بویور دیلر. حقوق شخصییه دعوالرینک استقلال محکمه لر ندره رؤیتی لزومه قائل اولان آرقداشلرم جرمدن متولد، جرمدن منبعث هر هانکی بر حقوق شخصییه دعواسنه استقلال محکمه سی طرفندن باقله سی لازمدر

دیدیلر و اونی اثبات ایتدیلر. شمعی افندیلر! دون ممالک مستخلصیه استقلال محکمه سی کوندره لم دین؛ آرقداشلرم چوق قوتلی دلیلله - شبهه سز کندی نقطه نظر لری نه کوره - مراجعتله اوزایه بر آن اول و سریع بر صورتده ایش کوره بیله جک هیئت لریک لزوم اعزامنه قائل اولدیلر. و بونی اثبات ایتدیلر و بواسی بو کون هیئت جلیله کزده قبول ایتدیکنیز. بنده کز بواساسدن قوت آله ق دیورم، که: نظریات حقوقیه اعتبارله استقلال محکمه لری حقوق شخصییه دن دولایی واقع اوله جق ادعایی دیکله سون و یا دیکله مسون نقطه سهنه ارجاع فکر ایتیه حکم. شمعی صور یورم. یینه بر چوق دفعه لر بو کرسیدن جهانیه قارشی فریاد ایدلیدیکی کی، وحشی، خونخوار استیلاجیلر مملکتتمزه کیررکن، او مملکتدن بر آدم هر هانکی بر حسه تابع اولور سه اولسون، بزم عندم زده هر زمان منفور اولان بر قاعده او یانغینجیلرک اوکنه دوشه رک حسنک مغازه سنی یورکی، کیریا قوس، ماردیروسنه بر لیکده یغا ایتش. اللهمک توفیقی و اردونک قهرمانانی و ملنک عزم و ایمانی سایه سنده له الحمد شمعی حسن مملکتته کیتمش، مغازه سهن صاحب بر حالده بولنیور. فقط؛ اوینک، مغازه سنک اشیاسی تماماً یغما ایدلمش، بونک فاعلانی تحقیق ایدیور. بر طرفندن ده خیانت و طینه چرمدن دولایی حکومت فاعلانی یا قالا مش، توقیف ایتش، محاکمه سهنه باشلامش، مدعی حسن محکمه حضورینه کلیدی وقت افندم بو آدم مقدساته هجوم ایتش، قانونه عصیان ایتش بر مضمون اولقله برابر، بنده خانمانی سوندرمش بر متجاوزدر. بناء علیه؛ بنده بو آدم دن شوقدر ضرر روزیان اعدام واردر. دیدیکی زمان عدالتک معنا و شمولی اعتبارله حاکم سنک دیدیکک کی بونک اهانت و خیانتته قائل اولدم و حکم ایتدم فقط؛ حقوقی کیت ایسته دیکک یرده آره! «دیرسه، حسنک بویله بر رد قارشوسنده قالدینی زمان؛ دون یینه بوراده چوق محترم ولی بک افندیلر ایضاح بویور دقلری وجهه، بویوک ملت مجلسنک عدالتنه، حتی آیقارینک توزینه متحسر اولان او دین قرداشم زک، او مذکور قرداشم زک او

آنده حسن ایده جکی قلبی، حسی، مرارتلرینی بردفعا سزده وجدانلریکزه مراجعتله مقایسه بویوریکیز . ایشته آرقداشلر! بو نقطه نظر دن استقلال محکمه لرینک حقوق شخصیه دعوالرینه حقوق عمومیه ایله برلکده باقمسی چوق لازم و چوق دوغریدر . حتی هیئت جلیله کز اورایه استقلال محکمه لرینی کوندرمکه قرار ویردکن صکره، خاقی حقوق شخصیه سندن دولای دیکله مه مک قرارینی ظن ایتیم که ویره سکز . صکره افندیلر! بوسلطنتی قوران وعصر لردن بری بوسلطنتی شرفله یاشاتان دینداشلر من حقوق شخصیه لرندن دولای سریع بر صورتده کوندر دیککز بر هیئتدن کندی حقی آله ماسون . استقلال محکمه لری ، ییلم ، اولجه قبول ایدیان قانون موجبجه حقوق عسکریه دینه قبول ایدیلن قانونه باقمسوند هر صورتله محتاج حمایت و صیانت اولان او دینداشمزک حقوقی آرمسون . اوت بنده قبول ایدرم . حقوق شخصیه سنی مراجعت ایدوبده سریعاً تعقیب و انتاج ایتدیره جکی یلر اولسه . فقط ؛ سنلردن بری خلقمیزی اطمین ایدمین ، وهپمزک آرزو ایتدیکمز و اوزله دیکمز عدالتی وقت وزمانیله اولره ویره یین ، اولرک حقلرینی سرعتله لارینه تسلیم ایدمین اصول عدلیزدر- که : بزم دکل غربک در - چوق سقطدر . انشالله چوق زمان آرزو ایدلیدیکی کبی ، اولرکده اصلاحی زمانی کله جکدر . ارنی کوندر دیککز محکمه لره اوزواللی نک ، او ییچاره نک نه وکیله ویره جک پاره سی ؛ نه ده دعواسنی تعقیب ایدمک قدرتی قالمشدر . بساء علیه ؛ او محومه محکومدر . خانمانی سونمش ، اوی ، اشیا سی ، مغازه سی یغما ایدلش اوستنده یا نه جق بر چول پارچه سی قالمش ، قارشوسنده جرم مشهود حالنده یا قالمش ، بر خان حقنده حکم ویرلیدیکی حالده ، کندی حقوق شخصیه سندن محروم اولسون ، و اونک حقتک احقاقی اوزون زمانلره و اوزون سنلره بر اقیلسون . چوق رجا ایدرم افندیلر ! استرحام ایدرم . بو نقطه ده دوشونکیز .

رفیق بك (دوامله) - هر یرده واردر ، بك افندی قبول ایدرم . فقط ؛ بوراده ایضاحی کوچ اولان حقیقتلر واردر . حتی حامی بك برادر من دوزده کوزل بر اعتراضده بولمشلردی ، دیدیلر ، که : بویالکیز استقلال محکمه لرینک یالکیز ممالک مستخلصیه کوندرلمسی حقنده بر تکلیف میدر ؟ یوق ، رایجی آی اول قبول ایتدیکمز بر قانونک تعدیلی ماهیتنده میدر ؟ بوجدأ وارد بر سؤالدر . بنده کز حتی حامی بکک بو نقطه ده کی اعتراضه اشتراک ایدرک ، بو تکلیفی ؛ استقلال محکمه لرینک ممالک مستخلصیه اعزامی تقرر ایتدکن صکره اولجه قبول ایدیلن بر قانونک بوکامتعلق اولان ماده سنک تعدیلی ماهیتنده تلقی ایدلمسی تکلیف ایدیورم . اوندن صکره اصولی نه ایسه اوشکلده هیئت جلیله دوشونور . اوکا کوره بر قرار ویرر ، فقط ؛ همه حال استقلال محکمه لرینک جرمدن متولد حقوق شخصیه دعواسنده باقمسنده صلاحیت ویریکز افندیلر . نظریات بزى ممنون ایدر . ، فقط خاقی ممنون ایتز افندیلر (براوو صدالری) سزه بر مثال عرض ایدیم ، بلکه استقلال محکمه لرنده بولنان آرقداشلریمز بونک کبی ، یوزلرجه مثال قارشوسنده قالمشلردر . ، فقط بر مثالی عرض ایدمک . قیصری کویلردن بر کویده برینک او کوزی چالیش و او کوزلر ، دیوار دلیشمک ، قیوقیرلوق ، چوبانک الی آیاغی باغلامق صورتیله کیجه لین آلمشدر . نصرت افندی (ارضروم) - اولجه سویلیدیکز اقدم اونی . (سویلیدیکز سسلری)

رفیق بك (دوامله) - تکرارنده بر محذور یوقدر اقدم . کویلی کندیسی تعقیب ایتدی . سارقلرینی ، صباحلین یا فالادی . اوزوندر بو حکایه ، آرقداشلریمک ده راضی اولمقلری آکلاشیلور فقط ؛ نه یاپه ییم . خلقه حقیقه چوق یقیندن تماس ایتدیکم ایچون سویلک احتیاجنده ییم عفو ایدیکز . صباحلین سارقلر میدانه چیقیور . ایچنده عسکر فراریلر اولدینی ایچون ، هیئت بوکامداخله ایتدی . پولیسسه امر قطنی ویردی . اوکاندن صکره محاکمه سو ، در حال انتاج ایدلدی . و اوزواللیسک بوغازلانان غائب ایدیلن یدی او کوزینه قارشو کویلی طرفندن دلائل کوسترلیدیکندن مخصوصدر ؟

دولایي محکمه ده ضرر شخصی ده حکم ایډلیدی . اوندن
 صکره لازم کان تضمیناتی ده حکم ایډلیدی . اوراده کی خلق
 یاشاسون بویوک ملت مجلسی محکمه سی یاشاسون خلق
 محکمه سی دیدیلر ، عدالت بویله اولور افندیلر ! اقشامه
 حکم انفاذ ایډلیدی . ایشته افندیلر بویله یاپارسه کز ،
 خلقی ممنون ایدرسکز . خلقی اولان مجلسکزدن
 کویلمک حقوقه رعایت ایتسی جمله کزدنمی ایډیوروم .
 صلاح الدین بک (مرسین) — محکمه لریکزی دوزلتک !
 طوراق بک (ارضروم) — عدلیه وکیلندن بو
 خصوصه دائر برشی صورمق ایستیوروم .

یاسین بک (غازی عینتاب) — افدم ! دون ده بنده کز
 بو ماده یی مدافعه ایتشدم . فی الواقع ، حقی حامی بک
 آرقداشمزلک بویوردقلری کی ، اسکی قانونک اونجی ماده سنده
 عسکری جزا قانوننامه سنک برنجی فصلنده حقوق
 شخصییه حکم ایده منزل دیور . اسکیدن رفیق بک
 برادرمنلک اشارت ایتدکاری وجهله ، حقیقه سقط اولان بو ماده
 مدافعه ایډلسونده خلقک ، محمدجکک حقوق شخصییه سنه
 تعلق ایدن ، بر دعوائی دیکله مه سین ، اساس اعتباریله موجود
 اولان شو ماده واردر دییه بو ماده یی تصحیح ایده جت
 خلقک بحق ایسته دیکی بر حق کندیسنه تسلیم ایده حک
 بر شکل معدلی قبول ایتکده نه مضرت واردر ؟ مثلاً
 بوندن اول قبول ایتدیگمز بر قانونی سنه لجه دوام
 ایتدیره جگمی بز ، بویله سقط قانون دوام ایتسون ، کیتسونمی ؟
 او قانونک سقط اولدیغی آکلادیگمز کوندن اعتباراً اونی
 تعدیل ایتک کنامی ؟

جلال بک (کنج) — او قازن سقط دکل ، او
 قانون تمامیله حقوقه موافق بر قانوندر .

یاسین بک (دوامله) — کرک مستخلص مملکتلر
 مبعوثلرینک ویردکاری ایضا حدن بو جزائمن متولد
 اشخاصک تجزیه سی خلقی تطیب ایده جک و خلقی ممنون
 ایده جی جهته انجمن بو ماده یی قبول ایتشدر . بو نقطه
 نظرندن بنده کز چوق رجا ایدرم ، بو ماده قبول
 ایډلسون .

مفید افندی (قیرشهر) — افدم ! بنده کزدن اول

سوزسویله یین آرقداشلر المزدده موجود بولنان احکام عمومیه دن
 و او احکام عمومیه نك بخش ایتش اولدیغی صلاحیته بناء دیگر
 بر محکمه نك ده بوا اساس داخلنده حکم ویروب ویرمه جکندن
 بحث ایتدیلمز . بنده کزده دیه جگم که : جزائمن متولد حقوق
 شخصییه نك جزا محکمه لر بنده رؤیت ایډلسنه المزدده موجود
 اصول محاکمات جزائیه قانوننک ماده مخصوصه لری کافیدر .
 حقوق عمومیه دعوائریله برابر حقوق شخصییه دعوا سنده
 جزا محکمه لرینه اقامه ایتت و جزا محکمه لری ده آنی
 کورمک صلاحیتی حائز اولسنه بناء استقلال محکمه سی ، که :
 بر جزا محکمه سی ماهیتنده در . او ماهیتده اولان بر
 محکمه یه ده حقوق شخصییه دعوا سی اقامه ایډلسون دیمک
 ایستیلیور . و بر ماده ایله انجمن بونی مجلسه سوق ایډیوروم .
 بو قانونی تعدیل دکل ، او قانونه علاوه نقطه نظرندن بر
 ماده مندیله تکلیف اولنیور دیمکدر .

حسین عونی بک (ارضروم) — طرق قانونیه یی
 انکار ایډیورسک !

مفید افندی (دوامله) — سوزمک سوکئی
 دیکله مکزی توصیه ایدرم . بلکه سوزمک نهایتنده بی
 آقیشلایه جقسکز . جزا محکمه سنده و باخصوص استقلال
 محکمه سی کی ، آنی بر صورتده حکمی ویرمک
 صورتیله تأسس ایتش اولان محکمه لرده واضح قانونک
 مقصد تأسیسی رؤیت ایډیله جک دعوانک سرعتله انتاجی
 و سرعتله او جزالری تطبیق ایډرک ، خلقک تطمینی نقطه سنه
 معطوف بولندیغندن ، خلقک حقوق شخصییه دعوائری ده
 او محکمه یه ویردیگمز زمانده ، جزا حقنده کی ویردیکی
 حکمی اجرا ایده میوب ، حقوق شخصییه دعوا سنک نتیجه سنه
 انتظار ایتک لازمدر . بویله اولمیوبده حقوق شخصییه
 دعوائری آیره رق ، حکم ویرمک اولور ایسه . یوقسه ، جزا
 دعوائریله برابر رؤیتنده فائده اولیه جفی تظاهر ایدر . اگر
 جزا دعوائریله برابر حقوق شخصییه جهته ده برابر حکم ویره .
 جک اولورسه ، نام آراد یغمز جزا ده کی سرعت تأمین ایډیله میه .
 جکندن ، جزا دعوائرینک اصول رؤیتی حقنده کی نظریه
 و اساسه منافیدر .

بوندن دولایي شمندی یه قدر جهت جزائیه ده حقوق

بناءً عليه ، بويله آتی صورتله حکم و تطبیق ایدہ جک محکمہ لرہ محل یوقدر . او ماده نک طینی تکلیف ایدیورم و بویولده برده تقریر ویریورم (براو و سلسری)
مصطفی کمال بک (ارطغرل) — انجمن نامنه ایضاحات ویریم افندم :

طوراقی بک (ارضروم) — اصول مذاکره به دائر سوز سویله به جکم .

رئیس — افندم ! ماده حقنده دها اون آرقداشمز سوز آلمشدر . کفایت مذاکره حقنده ده اوچ تقریر واردر یالکز عدلیه انجمنی مضبطه محرری برشی سویله به جکدر .

طوراقی بک (ارضروم) — بن اصول مذاکره به دائر سویله به جکم رئیس بک ! اساسه کچمیه جکم . ایکی سوز سویله به جکم . فضلہ سویله به جکم . افندیلر ! ایکی کوندن بری بوراده مذاکره جریان ایدیور . و مذاکره نک

خلاصه سی ضبطلرده او قونورسه ، برشی بلیریور . مملکتده عدلیه یوقدر دینیور . چوق رجا ایدرم ؛ عجیبا عدالتدن یالکز بریری متنم اوله جقدر ؛ یوقسه بوتون یرلرکمی متنم اولسی لازمدر ؛ (شبه سزهریر سلسری) افندیلر !

خیلی مدتدن بری عدلیه ده دهشتلی تشکیلات وار . آوجلرله پاره ویریوروز . اتکلرله پاره دو کیوروز . چوق رجا ایدرم ، عدلیه وکیلی بک افندی شمدی بورایه کلسون . بزه اطمئتان بخش بیاناتده بولنسونلر . بزه

برقناعت کلسون عدالت تقدیر ایدیله بیله جکمی ؛ یوقسه ایدیله جکمی ؛ عدلیه یا واردر ، یا یوقدر . محکمہ لر بوستان بکچیسیمیدر ؛ یوقسه بوستان قورقو لغمیدر ؛ بوکا دائر ایضاحات ایستیورم . ملت کرسیسندن تاریخه کچسون .

رئیس — افندم ؛ مشترک انجمنلر نامنه مصطفی کمال بک جواب ویرہ جک .

مصطفی کمال بک (ارطغرل) — افندم ! یونانلیلردن استخلاص ایدیلن ممالکه حکومتدن بر تکلیفات وقوع بولدیغی وقتده برده منہوبات قومیسونی تشکیله دائر بر قانون لایحه سی واردر . بو قانون لایحه سنده محلزده بر قومیسون تشکیل ایدیلوب عادنا بر محکمہ حالزده اوته کینک مالی بریکنه

ویریله جک بونده حقوق جزائیہ به صورت عمومیه ده بعض مضرت

شخصیه به متعلق دعوارک حل و فصل ایدلدیکنی بک آز کوروروز . واضح قانونک بویلہ بر محکمہ به تودیع ایتش اولدیغی حق شخصی ، حق عمومی باشقہ در . چونکه جرائم حقوق عمومیه به تماس ایدن بر مسئله اولدیغندن دولایه ، اوندن متأثر اولان بر شخص دکل ، عموم دولتک تبعه سیدر . عموم دولتک تبعه سنه تعلق ایدر بر نقطه ده هر حالده ، سرعتله اجرای محاکمه الزم اولدیغندن دولایه ، اونی عاجل و عادل بر صورتده یایمق ، تطبیق ایتک البته اولادر . فقط هر شخصک گندیسنه آیری ، آیری بخش ایدلمش اولان حقوقی نقطه سنه کلنجه : مع التأسف رفیق بکک افکارینه اشتراک ایدمه جکم . اوراده باشقہ قاعده و باشقہ اساسات اوله ماز . باشقہ قاعده یی ضرب حقوقی دکل ، بزم اسلام حقوقی شریعت بخش ایتمشدر . چونکه ؛ شریعت دیور که حقوق شخصی دعواریری احداث ایتدی کمز زمان ، قارشوسنده مدعی عمومی انکار ایدرسه ، اونی اثبات ایدمه بیله ک ایچون ، شهود شخصی ، سندات لازمدر . اگر بونلرده یوق ایسه ، خصمنه بيمين تکلیف ایتک مسئله سی واردر افندی . افندیلر ! شرک قبول ایتدیکی بو ییمندن دولایه بو آدمک الندن هانکی حکم اونی تطبیق ایتدیوه جکدر ؛ رفیق بک برادر مزکده یو یوردیغی کچی ، صاحبین ضایع اولان ماندالرک آقشامه حکمنی ویرسه ک عدالتمی اجرا ایدرسک رجا ایدرم ! (براو و سلسری)

رفیق بک (قونیه) — حکامی قناعت وجدانیه ایله سر بست بر اقدقندن صکره و آئی حاکم کوندر دکن صکره بک اعلا اوله بیلیر

مفید افندی (دوامله) — بناءً عليه ؛ هیچ بر مدنی دولتک محاکمده حقوق شخصی نقطه سندن دولایه علم قاضی ایله حکمه تصادف ایدن بر حقوق شناس آرقداشمز یوقدر .

اگر ؛ تاریخ شناس آرقداشمز وارسه ، چیقسین دیسک کی فلان دولت بویلہ حکم ایتمشدر . فلان محکمہ بویلہ در . (حاشا سلسری) اوله ایسه اساسنده دینی اوله رق ، احکام شرعیه نک بزه بخش ایتدیکی اساساتی دستور اتخاذ ایدن

مسلمانلرک تشکیل ایدمه جکی محکمہ ده ، حقوق شخصی نقطه سندن ویریله جک حق استمه مال ایتدیومک ، البته اولادر .

نقطه سندن برچوق مراسمه تابع اوله جفی جهتله، بوماده نك
طیبنی، تکلیف ایلم . ۲۸ - ۹ - ۳۳۸

قبر شهر
مفید

رفیق بك (قونیه) -- اما، دون طرفداردی،
مذاکره دهده مدافعه ایتشدی .

ریاست جلیلهیه

برنجی ماده نك طی ایدیش اولسنه نظراً ایکنجی
ماده نك ابتدا سناوه کی (بو محکمه لر) گله سنك یرینه ممالک
مستخلصه یه کوندریله جک (استقلال محکمه لر) فقره -
سنك قبولی تکلیف ایلم . ۲۸ - ۹ - ۳۳۸

قره حصار شرقی مبعوثی
علی سروری

ریاست جلیلهیه

مذاکره کافیدر . ایکنجی ماده نك طیبنی تکلیف
ایلم . سینوب مبعوثی
حقی حامی

ریاست جلیلهیه

ایکنجی ماده نك تعیین اسامی ایله رایه وضعی تکلیف
ایلمز .

سینوب قره حصار شرقی ازبیر استانبول
محمد شوکت علی سروری تحسین مظهر
اسکیشهر اسکیشهر موش قره حصار شرقی
ایوب صبری خسرو عثمان فوزی ممدوح نجات
ازبیر قیصری قره سی استانبول
یونس نادى ثابت حاجم محی الدین علی رضا
باطوم استانبول طرزون جبل برکت
فوزی عارف حافظ محمد احسان

ریاست جلیلهیه

استیلا مدتجه ممالک مستخلصه ده تورکیا قوانینک
مرعی اولمادیغنه نظراً، ده اول ایقاع اولنان بر جرمدن
دولایی قوانین اخیره ایله تجزیسه سی اساسات حقوقیه به مغایر
اولدیغنه واستیلا مدتجه ارتکاب اولونان بر جرمدن
متولد ضرر شخصینک اهمالی دخی دوغری اوله میه جفندن
اشبو ماده نك شکل آتیله تعدیانی تکلیف ایلم .

ویرن شیرل واردر . انجمن مخصوص بو خصوصه اوزون
اوزادی یه مذاکره سی یادی . بویه منہویات قومیسینی
تشکیلنه قانع اولمادیغندن جرمدن نشئت ایدن جزادعوالرینه
استقلال محکمه لرینک باقمه سنه قرار ویردی . حقیقه
آله جق دعوالری کچی، حقوق مسائلی گچی، شیرلک محکمه
حقوقده و قواعد شرعیه دائره سنده حلی ایجاب ایدر . فقط؛
بك اقدیلر! جرمدن نشئت ایدن، یعنی رفیق بك اقدینک
بو یوردینی وجهله، نهب و غارتدن دولایی دوچار اولدینی
ضرر وزیان دعواسینی محکمه حقوقده اقامه ایدر بیلیمک
ایچون؛ اول امرده ایکی دانه شاهد عادل بولغیمی لازمکلیم .
(شاهد سزیمی اوله جقدی؟ سسلری) بناء علیه؛ اصول
محاکمات جزاییه قانوننده، محکمه جزاییه رؤیت ایدر .
دییه بر ماده قانونیه واردر . استقلال محکمه لر دیخی بر
جرم قانونی بی رؤیت ایتمه مکلف اولدینی ایچون او؛
جرمدن نشئت ایدن حقوق شخصیه دعوالرینی دخی رؤیت
ایتمی صلاحیتی داخلنده در . بناء علیه؛ محکمه حقوقه
حواله ایدلدیکی دینجه زواللی خلقت ایشی اولمیه جقدر .
بو نقطه نظر دن انجمن؛ استقلال محکمه سنك تشکیلینی
فائده لی عد ایتدی .

ادیب بك (باطوم) -- او حالده شاهد لر اصولی
قالدیرلم، شاهد لرک لزومی یوقدر دییلم .
رئیس -- افندم! مذاکره نك کفایتته دائر تقریر لر
وار .

ریاست جلیلهیه

مذاکره کافیدر . ایکنجی ماده نك طیبنی تکلیف
ایلم . ۲۸ - ۹ - ۳۳۸

یوزغاد
فیاض عالی

رئیس -- افندم! اولاً مذاکره نك کفایتینی قبول
ایدن لر لطفاً ال قالدیرسون! مذاکره کافی کورولدی .
شمدی دیگر تقریر لر دیه او قویورر افندم .

ریاست جلیلهیه

حقوق شخصیه دعوالرینک جزا محکمه لر ندرده اقامه
ایدیله بیله جکنه دائر اولان احکامه استناداً یازیلان بو،
ایکنجی ماده ده جزا محکمه سی ماهیتده بولنان استقلال
محکمه لرینه تودیع اولتینجه، حقوق شخصیه نك اثباتی

ماده ۲ - استقلال محکمه لری استیلا مدتجه واقع اولان جرائمی یا لکتر، حقوق شخصیه سی اعتباریله تدقیق ورؤیت ایدرلر .

موش
عبدالغنی

احسان بك (جبل ركت) - علی کمال دویماسون!
ریاست جلیلیه

استقلال محاکمی حقهنده کی قانونک ۱۰ نجی ماده سی موجبجه استقلال محاکمه لری قازنده معین و مصرح تقاضدن ماعدا خصوصاً حقوق شخصیه یه حکم ایده مزملر .
بناء علیه ؛ تعدیل ماهیتنده اولان اشبو ایکنجی ماده نک طبیعی تکلیف ایلرم .

قره حصار صاحب
محمدشکری

رئیس - افندم ! طیه متعلق بش تقرر وارده برده ۱۶ امضالی دیگر برتقرر وار . بونده تعیین اسامی ایله ماده نک رأیه وضعی تکلیف ایدیورلر . (کورولتیلر)
رئیس - مساعده بویورک؛ رجا ایدرم افندم !
تعیین اسامی ایله طی ویا قبولی دینه برشی یوق . (ایضاح ایتسون سسلری)

نبیل افندی (قره حصار صاحب) - تعیین اسامی ایله رأیه قوتوق لازمدر . ماده یارد اولنور ویا خود قبول ایدیلیر . (قوله عائددر سسلری)

رئیس - افندم ! بر طی تکلیفی وار ، دیگر بر تکلیفده تعیین اسامی ایله رأیه وضعی تکلیف ایدیور . فقط ؛ اولاً تعیین اسامی ایله رأیه قوتوق مجبورینی کوریورم . (لزوم یوق سسلری)

افندم اون آلتی امضا ایله ماده نک تعیین اسامی ایله رأیه وضعی تکلیف ایدیور (کورولتیلر) مساعده بویورک افندم . ماده قبول ایدلیکی تقدیرده تعدیلنامه لری رأیه وضع ایده جکم .

فیاض عالی بك (یوزغاد) - رئیس بك ! رجا ایدرم برنجی ماده بی نصل یایدیکز ؛ عیناً اونک کبی ، بزمده تعیین اسامی تقریری واردی . اونی قبول ایتدیکز . بونی نصل قبول ایدیورسکز ؟

حقی حامی بك (سینوب) - تعدیلنامه لری رأیه قوندقدن صکره ماده نک قبول ویا ردینه کوره تعیین اسامی اولور . تعدیلنامه لری قبول ایدیلیرسه احتمالکجه انجمن اکمال ایچون ماده قانونیه بی ایستیه جکدر . تعدیلنامه لری قبول ایدلمزسه ماده اصلیه یا قبول ایدیلیر . ویا خود رد ایدیلیر .
نبیل افندی (قره حصار صاحب) - نظامنامه داخلی صریحدر . طی تکلیفی صریحدر . اولاً ماده رأیه قونور . تعدیل تکلیفی صکره رأیه وضع ایدیلیر . حالبوکه شدی تعیین اسامی ایله رأیه قونولسندن تظاهر ایده جک حال ماده نک یا بقاسیدر ویا خود طی در . اگر قرمزی جوق قرانیرسه طبیعی ماده قائمه مشدر . یوق بیاض قرانیرسه تعدیل لازمکلیر ، تعدیل تکلیفی رأیه قونور .

محمدشکری بك (قره حصار صاحب) - تعیین اسامی اصولاً قبول ویا عدم قبولیدر . بو ماده نک قبول وعدم قبولی رأیه قونور . تقریر مطلقدر . و قبوله مصروف اولسی لازم کلیر . تعدیل حقهنده - چونکه ؛ اگر بونی مطلق اوله رق ، قبول ایتدیکمز تقدیرده - بر آرقداشمک ایضاح ایتدیکی اوزره - بر سقطلق حاصل اوله جقدر . مثال اوله رق قرمزیلر اکثریتی قرانندی ، طی ایدلدی . ویا خود بیاضلر اکثریتی قازاندی . قبول ایدلدی . قرمزی و بیاض قبول وعدم قبولی تضمن ایدر . فقط ؛ طی تکلیفلری حقهنده کی تقریر حقی مجلس اسقاط ایتمش اولیور . بو دوغری دکادر . طی تکلیفی تظاهر ایتدکن صکره رأی ایشاری ایله قونور . طی تکلیفی قبول ایدیه جک اولورسه ، مسئله یوقدر . طی تکلیفی قبول ایدیه جک اولورسه ، تعدیل تکلیفی رأیه قونور . یا اوده قبول ایدیلیر ویا خود ایدلمز . ایدیه جک اولورسه ، ایکنجی ماده نک قبولی تعیین اسامی ایله رأیه وضع ایدلمک ایجاب ایدر . بناء عایه تعیین اسامی یه مراجعت ایدلمکسزین طی تکلیفک رأیه قونولسنی تکلیف ایدیورم (کورولتیلر)

عثمان بك (لازستان) - تعیین اسامی ایله رأیه قونولدینی وقت قبول ایدلیکی تقدیرده ، صکره تعدیل تکلیفلرنی نصل رأیه قویه جقسکز ؟

قبولنده اساس بیل ایدمه جک . شمدي تعین اسمی ایچون
ویریلن تقریریه باقیلنجه نه طی ایچون ، نه تعدیل ایچون
ونه اساس ایچون دییور . اوچنکده تعین اسمی ایله
رأیه وضعی ایجاب ایدر . بناء علیه؛ اک اول طی تقریری
رأیه قورء اوندن صکره دیکر لرینه باقارز .

رئیس — افندم مسئله تنور ایدمه رک طی تطبیقی تعین
اسمی ایله رأیه قولنم تقرر ایتدی . قیرمزی چوق
اولورسه طی ایدلمش اولور . بیاض غالب اولورسه تعدیلات
ایله ماده قالمش دیمکدر . تعدیلاتده رأیه وضع ایدیلیر ،
اووقت مسئله آکلاشیلیر . طی تکلیفی تعین اسمی ایله
رأیه وضع ایدیورم . ماده بی قبول ایدنلر بیاض ، قبول
ایتمیلر قیرمزی رأی ویره جکدر .

رفیق بک (قونیه) — آرقداشلر ! رجا ایدرم
دقت بو بورک؛ یا کاشلق اوله سون . (کورولتیلر)

طوراق بک (ارضروم) — ماده قبول ایدلمش
دکدرکه بویه اولسون .

رئیس — طی قبول ایدنلر بیاض، طی قبول ایتمیلر
قیرمزی رأی ویره جکدر . هر دولو احتمال قارشی تعین
اسمی بی یوقلمه صورتیه یاپه جفز .

(رأی استحصال اولندی)

رئیس — افندم اسملرک قراتی ختام بولدی .
یکیدن برده او قویورز ...

رئیس — افندم ! استحصال آرا ختام بولشد .
رأیه اشتراک ایدن ذواتک عددی (۱۶۳) ؛ (۷۵) قبوله
قارشی (۸۴) رأی ایله طی تکلیفی رد ایدلمشدر .

افندم ! فیاض طالی بکک ، مفید افندینک ، حق
حامی بکک ، قره حصار مبعوثی اسماعیل شکر افندینک
تقریرلری طیه طاند ایدی بونلری رأیه قویورز .

[موش مبعوثی عبدالغنی بکک و علی سروری افندینک
تعدیل تقریرلری تکرار اوقوندی]

مصطفی کمال بک (ارطغرل) — بونی ده انجمن
قبول ایدر .

رئیس — علی سروری بکک تعدیلنامه سی رأی
عالیکزه وضع ایدیورم . قبول ایدنلر لر بی قالدیرسون !

مصطفی کمال بک (ارطغرل) — رئیس بک ! طی
تکلیفی تعین اسمی ایله رأیه قوییکز !

نبیل افندی (قره حصار صاحب) — طی تکلیفک
شمدي رأی اشاری ایله رأیه وضمنده قبول ایدلمزسه ،
اووقت ماده نك عیناً بقا اولنمسی لازمکیر . رجا ایدرم ،
اکر بونی قبول ایدمه جک اولورسه کز ، بونی رأیه قویارز .
مسئله بویه دکدر . طی تکلیفی قبول اولنمادیغنده تعدیل
تکلیفلری اوقونور ، قبول اولنه بیلیر . لکن ، اساس شمدي
تعین اسمی ایله رأیه قوندیغنده یا طی اولنه جقدر و یا طی
اولنیه جقدر . اووقت او قوروز . تعدیل تکلیفلرینک اوزرینه
رأیه قویرز .

مصطفی بک (قره حصار شرقی) — افندم ! بونده
تردد ایدمه جک برشی یوقدر . معلوم عالیکز تکلیفلرک
ایچریلنده ایشی چوروده جک هانکیسی ایسه او رأیه
قونور . نه ایچون تعدیللر ایله اشتغال ایدلم ؟ طی تکلیف
اولنیور . قبول ایدلمدیکی وقت تعدیله کیدرز . طی تقریری
قبول ایدلکدن صکره نه تعدیله دائر اولان تقریرلرک
ونده ماده نك حکمی قالماز . حتی قانونکده حکمی
قالماز . اورتهده برده تعین اسمی ایله رأیه وضع اولنمسی
طای واردر . طلب وقوعنده رأیه قویمقده مجبوریدر .
اولا طی تکلیفک رأیه قولنسی لازمدر .

مصطفی کمال بک (ارطغرل) — طی تکلیفک تعین
اسمی ایله رأیه قولنسی لازمدر .

علی سروری افندی (قره حصار شرقی) — افندم !
بر طی تکلیفی واردر . برده تعین اسمی تکلیفی واردر .
بو طی تکلیفی تعین اسمی ایله رأیه وضع ایدیه جکدر .
بناء علیه ؛ طی تکلیفی قبول ایدنلر بیاض ، ایتمیلر قیرمزی
رأی ویره جکدر .

مفید افندی (قیرشهری) — افندم ! علی سروری
بک برادرمن بو بویورلرکه اورتهده بر طی تکلیفی وار .
اکر اورتهده یالکزر بر طی تکلیفی اوله بیدی ، دوفری ..
فقط ؛ اورتهده بری طی ، دیکری تعدیل برده اصل ماده
واردر . حاجی مصطفی افندی بدرمزک تکلیف بویورقلری
کچی اکر طی تکلیفی اورتهیه قونه جق اولورسه قبول و یا عدم

اکثریت اولدیغنه تماماً قناعت حاصل اولدیغنه ریاست مطلع بولندجه برشی رأیه قویه ماز . ایشته مجلسک صاغ طرفی بوشدر ، اکثریت یوقدر . صول طرفکده صولی بوشدر . مجلسده کیسه یوقدر ، اکثریت یوقدر .

یحی غالب بك (قیرشهر) — خایر ! اکثریت وار . اولمادینی حالده مذاکره جریان ایتمز .

حق حامی بك — مقام ریاستک بو بوشلغنه قارشی تقدیری نه اوله بیلیر ؟ (شدتلی کورولتیلر)

رفیق بك (قونیه) — یالکز حق حامی بکمی بو مجلسه تحکم ایده جک ؟ اکثریتک رأی بودر . حق حامی بك بو مجلسه تحکم ایده مز . اکثریتک قراری مطاعدر . مجلسک قرارینه سنده مطاع اوله جقسک ! باغیر مقله مسئله حل اولنورمی ظن ایدیورسک ؟ بنده سیمی دهاچوق چیقاریر ، باغیریم .

عثمان بك (لازستان) — الك زیاده عابدين بك باغیره بیلیر .

رئیس — عبدالغنی بكك تقریری تکرار او قونیه جقدر (او قوندی)

افندم ! ماده نك تعدیله عأددر .

محمد شکری بك (قره حصار صاحب) — رئیس افندی ؛ تعیین اسامی ایله رأیه قونماید ، تعیین اسامی تقریری مطلقدر ، بوراده ایضاح ایتدک . اگر مطلق اولسه ایدی ، تعیین اسامی تقریرینک رأیه قونمی لازم کلیردی .

مظهر بك (اسکدار) — تقریرده بنده امضام وارد . تقریر مطلق دکلددر .

محمد شکری بك (قره حصار صاحب) — تعیین اسامی تقریری مطلقدر ، بناء علیه بر کره او قونسون . حق حامی بك (سینوب) — ریاست بیطرفلغنی اخلاص ایتمشدر ، بنده کز حقوقاً اثبات ایده جکم . (خایر صداری) اثبات ، هیئت جلیله فی تنویر ایدرسه ، اوزمان . (کورولتیلر) مساعده بویورک ، عرض ایتمک حقمددر . (کورولتیلر ، ایاق پاطریدیلری) افندیلر ! بریحق آی

(تعیین اسامی ایستر صداری) علی سروری افندی نك تعدیله نامه سی قبول ایلمشدر . (شدتلی کورولتیلر) صلاح الدین بك (مرسین) — تعیین اسامی قراری اوچنده مآددر ، تکلیف مطلقدر . باشقه درلوا لورسه بز مجلسه اشتراك ایده مه یز .

حق حامی بك (سینوب) — افندم ! مقام ریاست طرفدن هیئت جلیله کنزه شو تقریر حقنده سویله نیلن سوزلر اونودولمش فلان دینه بیلیردی . فقط ؛ مقام ریاست رأیه وضع ایتمزدن اول دیمشدرکه : تعیین اسامی طلبنده فلان ماده دیه تصریح یوقدر . بناء علیه ؛ بوراده به متدائر نه وارسه ، هبسی تعیین اسامی ایله رأیه قونه جقدر . (خایر سسلری) آنجق طی قبول ایلدیکي تقدیرده مسئله یوقدر . ضبط نامه موجوددر . اگر اونودولمش ایسه ضبط نامه ایله دعوا می اثبات ایدیورم . دعوا مک اسباب ثبوتیه سی ضبط نامه لرده موجوددر ، ریاستک قبول ایتمش اولدیغنی شکل دکلددر . بو اعتبارله کرک بو و کرک دیگر موجود تقریرلر و کرکسه ماده اصلیه تعیین اسامی ایله رأیه وضع اولنه جقدر ضبط نامه لر موجوددر . مادامکه بر دقیقه ده بویله ایستلیدیکی کی نظام نامه لر ، قرارلر تفسیر ایدیلیور ، بوکا مجلسده اولانلر شاهنددر .

رئیس — بنم کندی حسابمه عأد اولان قسمنه جواب ویره میم . اساس ؛ ماده نك طی ، ماده نك قبولیدر . تعدیلات موضوع بحث بیله دکلددر . مطلق اوله رق ؛ ویریلن تقریرده ماده نك تعیین اسامی ایله رأیه وضعی تکلیف ایدیلیور . فقط ؛ طی ایله قبول ، متعارض بولندیغنی حالده مقام ریاست اوکاده تشمیل ایده رک ؛ تعیین اسامی ایله رأیه قویمشدر ، اکثریتده تجلی ایتمشدر . اگر آراده تعدیله نامه لرکده رأیه قونه جغه دائر ضبطده بر کله وارسه ، بن بر دقیقه بوراده طورمام .

حق حامی بك — ضبطلر بوراده در . مسئله نك جریانی ادعا ایتدیکم کییدر .

رئیس — بناء علیه ؛ سروری بكك تعدیله نامه سی قبول ایلمشدر .

حق حامی بك (سینوب) — بر دفعه مجلسده

کورولتی یابسه کز، ینه بو قهقهه نظری عرض ایده جکم.
حقی کورولتی ایله ازاله ایده منسکیز !

رئیس -- ریاست حقهده معروضاتده بولنه جقمش.
بناء علیه سوبله سون اقدم !

حقی حامی بك (دوامله) -- افندیلر ! غروپك
نظامنامه سنده « اقلیت ، اکثریته تابعدر » قیدی واردر .

(نیدن سسلری) غروپك نظامنامه داخلینسنده (غروپ
بوراده یوقدر سسلری) (شدتلی کورولتیلر) مساعده

بیوریکیز . دیکلر سکیز . بن حقوقی بر مسئله اورته یه آتارم
سزده جواب ویررسکیز .

احسان بك (جل برکت) -- هانکی غروپ ؟
بر سس -- آقشام اولدی ، غروپ واردر !

حقی حامی بك (دوامله) -- بوکون رئیسلر ، یا
بیطرفدرلر بر غروپه منسوب دکلددرلر . و یا خودده غروپه

منسوب و بیطرف دکلددرلر . بناء علیه غروپك نظامنامه سی
صریحدر . « اقلیت ، اکثریتک قرارینه تابعدر . »

دیورلر . (بوراده غروپ موضوع بحث دکل صدالری)
اولیه اولنجه ، سز انکار ایده منسکیز ، که ؟ غروپ

یادیرمق ایسته یور ! رئیس غروپه منسوبدر . بواعتبارله
رئیس بیطرفلغنی محافظه ایده منز .

یحی غالب بك (قیر شهر) -- هانکی بیطرفلغنی ؟
حقی حامی بك (دوامله) -- بیطرف بر ذاتک ،

مقام ریاستی اشغال ایتمسی لازمدر . بنده کز قهقهه نظرمی
عرض ایتم . مسؤلیت البته بو حقیقتی قبول ایتمه ینلره

راجعدر .
علی سرورلی افندی (قره حصار شرقی) -- طوراق

بك ده غروپده اولدینی حالده علمدهدر .
فکرت بك (قوزان) -- بو غروپ مسئله سی دکلددر .

غروپده بولنان آرقداشلرک بر قسمی مخالف رأی
ویرمشلردر .

رئیس -- مذاکره اعتباریله ، بیطرفلغنی محلک اوفاق
برشیئده بولنش اواسه یدم در حال مقام ریاستی ترک ایدردم .

فقط ، غروپده بولنق باشلی باشنه آیری بر مسئله اولدینی
کپی بوراده بولتمقده آیری بر مسئلهدر . بناء علیه ، مذاکره

دوامده مخدور یوقدر . موش مبعسونی عبدالغنی بکک
تعذیه متدار اولان تقیرینی نظر دقسه آلانلر لطفاً

الرنی قالدیرسون ! (قبول ایلمه مشدر) شوخالده اقدم !
ماده اصلیه علی سروری بکک تکلیفی وجهله تعدیل

ایدلکدن صکره تعیین اسامی ایله رأیه وضع ایدیورم .
رفیق بك (قونیه) -- ایشته شمدی حقیقت تضاد

هر ایدر .
حسین عونى بك (المنیز) -- ماده اصلیه قبول

ایدلمشدر . رئیس بك !
مصطفی کمال بك (ارطغرل) -- اقدم ! اولجه و قوع

بولان بر طابرد ایدلدیکی جهتله ، ماده اصلیه قبول ایدلش
دیمکدر .

تحسین بك (آیدین) -- طی و تعدیل تکلیفلری
رد ایدلدیکی تقدیرده ، ماده اصلیه قبول ایدلش دیمکدر .

رئیس -- ماده معدله نی رأیه وضع ایدیورم ،
(کورولتیلر)

نبیل افندی (قره حصار صاحب) -- ماده نکه طرزده
رأیه وضع ایدیله جکی حقهده معروضاتده بولنه جقم .

رئیس -- بو یورک !
نبیل افندی (قره حصار صاحب) -- بوندن اول

تعیین اسامی ایله ماده نکه رأیه وضعی ایچون طی ، تکلیفی
واردی . طی تکلیفی قبول اولنمدینی زمانده -- که : شرطه

معلق ایدی -- طی تکلیفی قبول اولنمازسه تعدیل تکلیفلری
اوقونه جقدر . تعدیل تکلیفلری اوقوندینی زمانده ماده

عینیه باقیدر . هیئت جلیله جده بوکا قرار ویرلمشدر .
بو بولده رأیه وضع ایدلمشدر . بناء علیه ؛ ماده قبول

اولمشدر . ایکنجی بر دفعه رأیه قومغه حاجت یوقدر .
(براوو صدالری) یالکز تعدیل تکلیفی رأیه قونه جقدر .

محمدشکری بك (قره حصار صاحب) -- اقدم ،
بوتون سقطلق تقریرک مطلق اولمشندن انبعات ایدیورم .

اگر تعیین اسامی ، تکلیفی قبول حقهده رأیه قومش
اولسه یدی ، بو اختلافات بوو نشستک هیچ بریسی واقع

اولمایه جقدی . طی تکلیفی رأیه وضع ایدلدیکنده نتیجه سی
قبول و یا عدم قبول تجلی ایدنجه تعدیل تکلیفلرینک ماهرتی

ضمن ايجز . نته کيم آروجه بر تعدیلنامه یی ده قبول ایتدک
وبناء علیه؛ ماده یی تعیین اسامی ایله رایه قویمق مجبور یتدیده .
بن ذاتاً طی تکلیفی بو مقصدله قویدم .

عاطف بک (بایزید) — ذاتاً اولجده اوله سویله نمشدی .
مصطفی کمال بک (ارطغرل) — ماده یی دکل ، تعدیل
تکلیفی رایه قویمق اقتضا ایدیور .

رئیس — برنجی تکلیفده بو نیتله قویمشدم . بناء
علیه تعدیلنامه لری دکل ، ماده اصلیه یی تعیین اسامی ایله
رایه قویه جنم . رجا ایدرم . بو طی تکلیفنگ قبولی ایله
ضمنی قبول اولماز .

[تعیین اسامی صورتیه آرا استحصالنه باشلاندى]
یاسین بک (غازی عینتاب) — رئیس بک ! نصل رایه
وضع ایدیورسکز ؟ آرقداشلر ! بر کره قبول ابدیلن بر
ماده یی تکراراً نهن تعیین اسامی ایله قبول ایده جکز ؟
رجا ایدرم

رفیق بک (قونیه) — والله صرهمی دکل ، اما .
عشق اولسون هیئت ویکله مزه ... مملکتک وملتک
علاقه دار اولدیغی مسئله ده هیچ بریسی بولونمورلر .

یاسین بک (دوامله) — مجلس تعیین اسامی یی قبول
ایتمیجه رایه قویمق دوغری دکلدرد (کورولتیلر) رئیس
بک ! مساعده بو یوریرسه کز تعیین اسامینک رایه مخالف
اولدیغی سویلیه جکم .

رئیس — مساعده بو یورک اقدم ...
اقدم ! آرا استحصال اولوندی . رایه اشتراک ایدن
اعضانک عددی ۱۰۷ اولدیغنه نظراً مع الاسف نصاب
مذاکره یوقدر .

مصطفی کمال بک (ارطغرل) — رایه اشتراک ایتمین
قاج کشی ؟

رئیس — نصاب مذاکره حاصل اولمادیغندن جمعه
ایرتسی کونی ساعت بر بچقده اجتمع ایتمک اوزره جلسه یی
تعطیل ایدیورم .

ختام مذاکرات
دقیقه ساعت

قالیور و نته کده ماهیتی قالمشدر . بودوغری دکلدرد .
تعدیل تکلیفلرنی ، ریاست ؛ تعیین معامله ایچون مذا -
کره یه قویماش کی اولیور . حالبوکه ، تعیین اسامی تقریری
مطلق ایدی ، تعیین اسامی مطلق اولدیغنه کوره ؛ تعیین اسامی
ایله رایه قونسی لازم کیرسه ، تعدیل تکلیفلرنک ده تعیین
اسامی ایله رایه قونسی لازمدر .

رفیق بک (قونیه) — مسئله یوق .

محمدشکری بک (دوامله) — مسئله یوق ، اما ؛ مقام
ریاست شمدی اوخطایی قبول سکننده رایه قویمقله تصحیح
ایتمک ایسته یور . بونی ایکنجی دفعه رایه قویمق اساساً معاسزدر ،
زانددر . (خایر ، خطا یوق سسلری) اصل زاند اولان
شی تعدیل تکلیفلرنک ده تعیین اسامی ایله رایه قونسیدر
(یوق صدالری)

علی سروری افندی (قره حصار شرقی) — بنده کزده
تقریرده امضا صاحبیم . ایضاح ایدمیم : بنده کزده طی
تکلیفنگ بویله تعیین اسامی ایله رایه قونسی آرزوایتدیکم
حاله ماده نک ابقاسنک رایه قونسی آرزو ایتمه مشدم .
اساساً ؛ ماده نک ابقاسنک تعیین اسامی ایله رایه قونسنه
لزوم یوقدر . زیراطی تکلیفی ردایدلمشدر . بناء علیه ؛
دیگر بر ، ایکی آرقداشمکز بویله اولدیغی سویلیدیکی حالد ،
اون بش امضا حاصل اولمایور . تعیین اسامی نره دن
چیقاریلیور ؟ طی تکلیفنگ تعیین اسامی ایله رایه قونسی
تکلیف ایتدک وقوندی .

طوراق بک (ارضروم) — ماده نک رایه قونسی
ایجاب ایدر . چونکه ؛ افندیلر ! اولج طی ایدیله جک ماده
رایه وضع ایلدی . اگر ، اصل ماده نک رایه قونسی
لازم کلمسه ایدی ، تکلیف تقریرلرنک ده او قونمامسی لازم
کلردی . ماده عیناً قبول ایدیلردی . مادام که تعدیل
تقریرلری او قونمامشدر ؛ اونلر قبول ایلمه مش دیمکدر .
ماده نک عیناً رایه قونسی لازم کایر (کلز صدالری)

رئیس — طی تکلیفی تعیین اسامی ایله رایه وضع
ایلدی . فقط اکثریته اقتران ایتمدی . طی تکلیفنگ
اکثریته اقتران ایتمه مسی ماده نک اکثریته اقتران ایتدیکنی

قانون مذکورک ایکتجی مادہ سنک طینی

رداید نلرک اسامیسی

رفعت افندی قونیه ، رضا بک موش ، کاظم حسنی
 بک قونیه ، خسرو سامی بک اسکیشهر ، نبی زاده حمیدی
 بک طربزون ، تحسین بک ازمیر ، فائق بک جبل برکت
 رشدی بک ارغنی ، علی رضا افندی آماسیه ، ایاس سامی
 بک موش ، صادق بک قیرشهر ، مظهر مفید بک حکاری ،
 شکری افندی قره حصار صاحب ، علی رضا افندی ایچ ایل ؛
 حسنی بک بتلیس ، شیخ حاجی فوزی افندی ارزنجان ،
 ممدوح نجدت بک قره حصار شرقی ، خلیل خلقی بک سعرد
 رفیق بک قونیه ، ثابت افندی قیصری ، احمد حلمی بک
 قیصری ، یحیی غالب بک قیرشهر ، نجیب بک ماردین ،
 نشأت بک استانبول ؛ فوزی افندی باطوم ، یاسین بک
 غازی عینتاب ، دو قنور مصطفی بک قوزان ، عاطف بک
 بایزید ، قدری بک دیاربکر ، دو قنور اشرف بک آٹنه ،
 حسین بک قوزان ، امین بک اسکیشهر ، حمدی افندی
 دیاربکر ، نبیل افندی قره حصار صاحب ، مصطفی کمال بک ارطغرل
 شمس الدین افندی آتقره ، خلیل بک ارطغرل ، خلیل
 ابراهیم افندی اسکیشهر ، فکرت بک قوزان ، تحسین
 بک ایدین ، علی سروری افندی قره حصار شرقی ،
 حسین بک العزیز ، شکری بک بولی ، مصطفی بک کشخانہ
 عثمان قدری بک موش ، حاجی محی الدین بک قره سی ،
 زہرت بک ارغنی ، روشن بک کشخانہ ، راغب بک غازی
 عینتاب ، قلنج علی بک غازی عینتاب ، خلوصی افندی قسطنطونی ،
 مدحت بک ماردین ، دو قنور رفیق بک بایزید ، حاجی
 بدر آغا ملاطیہ ، عبدالله افندی سینوب ، توفیق بک
 ارزنجان ، محمد شوکت بک سینوب ، حقی بک وان ،
 ضہیر بک آٹنه ، حاجی عارف بک استانبول ، طونہ لی
 حلمی بک بولی ، درویش بک ماردین ، یونس نادلی
 بک ازمیر ، حافظ شاہین افندی عینتاب ، ابراهیم بک
 ماردین ، عبدالغنی بک موش ، سلیمان سودی بک بایزید ،
 اسماعیل صبحی بک بوردور ، احمد مظهر بک استانبول
 یوسف بک دکزلی ، رشید آغا ملاطیہ ، عاطف بک ،
 قیصری ، وہبی بک بتلیس ، فائق بک ادرنہ ، علی رضا

ممالک مستخلصہ یہ اعزاز ایدیلہ جک استقلال

محکمہ لری قانونک ایکتجی مادہ سنک طینی

قبول ایدن اعضای کرامک اسامیسی :

محمد نیازی بک اسکیشهر ، ضیاء الدین بک سیواس ،
 حاجی مصطفی افندی آتقرہ ، سامی بک ایچ ایل ،
 مصطفی بک درسم ، حاجی علی صبری افندی ایچ ایل ،
 مصطفی لطفی بک سیوہرک ، حاجی طاہر افندی اسپارطہ ،
 بسیم بک قسطنطونی ، جودت بک قیرشهر ، حقی حامی
 بک سینوب ، محمد حمدی افندی آٹنه ، سعید بک کنغری ،
 اسماعیل بک ارضروم ، حاجی مصطفی صبری افندی سعرد ،
 محمد نادر بک اسپارطہ ، حاجی بکر افندی قونیه ،
 حاجی عاطف افندی آتقرہ ، راسم بک العزیز ، خلیل
 ابراهیم بک آنتالیہ ، مصطفی تقی افندی سیواس ، یوسف
 ضیا بک مرسین ، عمر ممتاز بک آتقرہ ، طاہر افندی
 کنغری ، صلاح الدین بک مرسین ، محمد شکری بک
 قرہ حصار ، فیاض عالی بک یوزغاد ، مصطفی طوراق بک
 ارضروم ، محمد عاکف بک بوردور ، عزت بک توفادہ ،
 عبدالله افندی آٹنه ، مصطفی بک آنتالیہ ، عمر
 لطفی بک آماسیہ ، محمد سری بک سیوہرک ،
 محمد نعیم افندی ایچ ایل ، توفیق افندی کنغری ، محمد
 وصفی بک قرہ حصار شرقی ، عالم افندی قیصری ، امیر پاشا
 سیواس ، شکری بک جانیک ، حاجی قریب آغاملاطیہ ،
 عثمان بک لازستان ، طوفان بک حکاری ، مفید افندی
 قیرشهر ، ضیاء بک کنغری ، ولی بک بوردور ، فکری فائق
 بک کنج ، اسماعیل رمزی بک اسپارطہ ، شریف بک
 سینوب ، واصف بک سیواس ، شکری بک استانبول ،
 بہجت بک کنغری ، حسین عوفی بک ارضروم ، امین بک
 ارزنجان ، سلیمان بک جانیک ، وہبی بک نیکدہ ،
 نصرت افندی ارضروم ، سلیمان نجاتی بک ارضروم ، عارف
 بک قونیه ، حاجی محمد افندی بایزید ، حسیب بک مرعش
 جمال پاشا اسپارطہ ، حیدر لطفی بک ایچ ایل ، حافظ محمد بک
 طربزون ، نوری بک بولی ، محمد وہبی افندی قونیه ، ضیا
 خورشید بک لازستان ، شرف بک ادرنہ ، صدق بک ملاطیہ ، نعمان
 افندی استانبول ، مصطفی بک قرہ حصار شرقی ، ادیب بک باطوم
 حسن تحسین بک آنتالیہ ، قاسم بک موش ، جلال بک کنج

مضبطه لری

ایکجهی صنف احتیاط ضابطه ننگ صنف موظفه به نقلاری
 حقنده کی لایحه قانونیه ننگ اولکی تکلیفه توحیدینه دائر
 مدافعه ملیه انجمنی مضبطه سی
 آساسیه استقلال محکمه سنجه محکوم ایدلش اولان
 مصطفی افندی حقنده کی حکمک رفعه دائر استدعا انجمنی مضبطه سی
 ایکجهی دفعه رأیه قونه جق مواد
 استقلال محکمه لری قانوننک ایکجهی ماده سنک شکل معدلی
 مذاکره ایدله جک مواد
 استقلال محکمه لری قانوننک بقره مذاکراتی
 مطبوعات بودجسی
 مکلف اطبا و بیطرلر قانونی
 آنقرده بر استقلال محکمه سی تشکیلی حقنده کی تذکره
 سروج قائمقامی احسان بک حقنده کی مضبطه
 فنارلر اداره سی حقنده کی لایحه قانونیه
 مصلوب کمال بک عائله سنه معاش تخصیصه دائر لایحه قانونیه
 سفر برلک ضعی قانوننک تفسیری حقنده قوانین مالیه انجمنی
 مضبطه سی
 منروبات قومیه یونی تشکیلی حقنده قانون

بک استانبول، مصطفی وصفی بک توفاد، علی واصف بک کنج
 شا کر بک آنقره، احسان بک جبل برکت، راسم بک
 جبل برکت، ابراهیم فهی بک منتشاء اسم بک ماردین،
 ایوب صبری بک اسکیشهر، مسعود بک قره حصار شرقی
 قانون مذکورده مستکف قالان ذواتک

اسامیسی

اسعد بک لازستان، حسین حسنی افندی استانبول،
 احمد بک یوزغاد، عطا بک نیکده

اجتماع آتی روزنامه سی

۱- ضبط سابقه مخصوصه سی

۲- اوراق وارده:

معارف تشکیلانده تعدیلات اجرا سنه دائر قانون لایحه سنک
 اعاده سنه دائر اجرا وکیللری ریاستی تذکره سی
 دیوان ریاست قراری
 غربی تراکیا جمعیتندن مورود تبریکنامه